

सानसेयारि "बड'सा" खौरांलाइयाव
अमाज्यादि जिज्जो लोब्बा थानाय रायथाय, अन्थाय,
अल', अल'बाथा आरो दावबायारि थावनि, पाके
बाइदिनि आयाव लिखनाय लिखिबां दैथाय हर।
सानसेयारि "बड'सा" खौरांलाइया सेबखानाबे
फोसावगोन।
बड'सायाव लिखनायनि हुबा खालाम,
"बड'सा" खौरांलाइया सेबखानाबे
फोसावगोन।
सानसेयारि बड'सा मावखुलि
माइबं नोगार, जोहोलाव दैमालु लामा
कक्राझार, बिटिस-783370
Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Tuesday ★ 1 December, 2020 Kokrajhar, BTC, Assam ★ Vol.- 30, Issue No. 245 ★ R.N.I.Regd.No.40994/91, AssamGovt.Regd.No.IPRD.40/2006/13, ★Rs.8/-

चिरां जिल्लानि दरब्रै बियाबआव इउ पि पि एलनि गेदेरथार बाइक रेलि

काजलगाव, 30 नभेम्बर:
खुंजानो गोनां बि टि सिनि
बिसायख थियाव राइजो-
राजाफोरनि भट मोननायनि
गेजेरजो देहासारनायनि मिजिं
लानाने दासान्दि इउ पि पि एल
राजखान्थि दोलोआ सानथामसो
सिगांनिफ्राय बि टि सिनि दरब्रै
जिल्लानि दाब-दाब
जायगाफोराव बाइक रेलि
खालामनायखौ नुनो मोनबोबाय
थादों। दिनैबो चिरां जिल्लानि
सिडव थानाय काजलगावआव



जिल्लानि मोनब्रै बियाबफोरा
जुथायै लोगोनांनाने मोनसे

गेदेरथार बाइक रेलि हाबाफारि
बान्जायदों। 5 रोजानि बांसिन
बाइक सालायगिरिफोरनि
बाहागो लानाय बे रेलिआव इउ
पि पि एलनि आफादगिरि प्रमद
बर'आ बाहागो लानाने बे
हाबाफारिखौ बेखेवनाने
होदों। हाबाफारियावोनो चिरां
जिल्लानि सिडव थानाय
(□ 5 बिलाइआव)

पृथिवराज नारायन देब मेचनि हेंथायै कक्राझार पुलिस थानायाव इउपिपिएलनि गसर

कक्राझार, 30 नभेम्बर: त्रैथि
बिटिस बिसायख थिया
खुंजागोननि जेसेबांनो खाथि
नोजोराव सफेदों एसेबांनो
राजखान्थि दोलोनि
दैदेनगिरिफोरनि फोसावदिनायनि
मुडव गुबुन गुबुन हाबाफारि
2 डिसेम्बरआव
भातकुसिआव
कामरुप जिल्ला
एवसुनि जर'खा
सांरांथि जथुम
रडिया, 30 नभेम्बर: फैगौ 2
डिसेम्बरआव कामरुप जिल्ला
एवसुनि बान्जायनाय आरो रडिया
दख'रा एवसुनि हेफाजाबाव
रडिया महकुमानि बेन्दोछव
थानाय 79 नं भातकुसि गुदि
(□ 5 बिलाइआव)



लानायखौ बे समाव नुनो मोन्दों।
गेजेराव माखासे सानल'
थाबावनायनि सिगांनो बिटिसि
बिसायख थिया मिरु
खालामनाने गुबुन गुबुन
राजखान्थि दोलोफोरा गाव-
गावनि बियाबफोराव फसनाय
(□ 5 बिलाइआव)

राइज्यो सरकारा खुंनाय भिम्बर देउरि सानआव बाहागो लादों गिबि मन्थि सनवालआ

दिसपुर, 30 नभेम्बर: इंगरजनि
हेंथायै जायफोर दैदेनगिरिआ
गोखोडे जुजिदोंमोन बेबादि
दैदेनगिरिनि गेजेराव गुबुन सासे
गोखों दैदेनगिरि दडमोन बेनो
भिम्बर देउरि। सासे सुबुं
दैदेनगिरिआ फरायसा
समनिफ्रायनो गुबुन गुबुन
जेंगोना थासारिखौ नेवसिबोनाने
फरायनायाव गोसो होना गुबुन
गुबुन आन्जादखौ मोजाडे
उथिसारबोनो हानाय मोनसे
सिनायथिखौ होलानो हानायाव
जाफु'सारदों। उननि समाव



बेबादि सुबुं दैदेनगिरिआ भारत
रल लकप्रिय गपिनाथ बरदलैजों
दैदेनफानाने आसामखौ भारतनि
मोनसे बाहागो हिसाबे मावफुंनो
हानायाव रायखांजाथावनो
(□ 5 बिलाइआव)

गिबि मन्थि सनवालआ दै जगायथाय बिथांखि बेखावदों

दिसपुर, 30 नभेम्बर: गिबि
मन्थि सर्बानन्द सन'वालआ दिनै
राज्योनि राजथावनि नोगोर
गुवाहाटीआव गुवाहाटीनि
जालुकुबारि ओनसोलनि
सादिलपुराव गुवाहाटी
मेट्र पलितान डे भलपमेन्ट
अथरिदि (जि एम डिए)नि
जगायनाय जे एन एन इउ आर
एम बिथांखिनि सिडव गिबि
खोलोब हिसाबे दै जगायथाय
बिथांखि बेखेवदों। गोदाने
बेखेवनाय बे दै जगायथाय
बिथांखिआ दरब्रै



ओन्सोलफोराव सहैनो हागोन।
बेबादिनो भुटनाथ
ओनसोलनिफ्राय मालिगाव

गावजों गाव दावराव दावसि जालायालासे बिसायख थिखौ गोजोने बारहोहरनो क: जि: ब: थु: आफादनि आर'ज

कक्राझार, 30 नभेम्बर:
फैगौ 7 आरो 10
डिसेम्बरआव खुंजानो गोनां
बि टि सि बिसायख थिनि
थाखाय दासान्दि गुबुन गुबुन
राजखान्थि दोलोफोरनि
मावथि-हेफाजाबगिरिफोरनि
गेजेराव गावजों-गाव बुलाय-
सोलाय दाड-बाजि थासारि
सोमजिनायखौ बिथा
(□ 5 बिलाइआव)

फैगौ 5 डिसेम्बरआव बर' थुनलाइ आफादनि
वारग' आफादगिरि ब्रजेन्द्र कुमार वरमनि
रुसारि सान फालिनो सारखाफारा

कक्राझार, 30 नभेम्बर: बर' थुनलाइ आफादआ फैगौ 5
डिसेम्बर, 2020 अक्ट'खालि आफादनि मोनसे समनि बारग'
आफादगिरि आरो गेदेमा लिगिरि रुसारि ब्रजेन्द्र कुमारनि
थैनाय सानखौ मिरुनाडे गिबि खेब गाव गोनाडे फालिनो
थाखाय थि खालामनाय जादों आरो बिथांनि थैनाय सान
फालिनायजों लोब्बा लाखिनाने सेथि (□ 5 बिलाइआव)

राजखान्थियारि मुलाम्फानि थाखाय मन्थि हिमन्त बिश्व शर्माआ दासान्दि नंखाय रावजों बि पि एफनि दैदेनगिरिफोरखौ सोंखारिबाय थादों: रबिराम नार्जारी

कक्राझार, 30 नभेम्बर: बि
टि सि बिसायख थिनि थाखाय
दासान्दि दरब्रै जिल्लानि दाब-
दाब बियाबफोराव बिसायख थि
फोसावदिनाय समाव आसामनि
मन्थि आरो बि जे पिनि
दैदेनगिरि हिमन्त बिश्व समीआ
बि पि एफ दैदेननाय
बारग'लानाय बि टि सि सरकार
आरो बि पि एफनि
दैदेनगिरिफोरनि सायाव बायदि
बायदि रावजों सोंखारिनाय



आरो जाखल'नायनि दाय
जावसिनबाय थानायनि बिबुंथि
होनानयि हेंथायै फिनजाथाय
होदों सोनाब कक्राझार बिधान
सभा बियाबनि एम एल ए आरो
(□ 4 बिलाइआव)

गसाइगाव टाउन बारवारी कालि मन्दिर आरो नामघरनि गोदाने लुफुंनो गोनां शिब मन्दिरनि अन्थाय खुन्थिया गायसन्दों



कारिमिनारि गसाइगाव टाउन
बारवारी श्री श्री कालि मन्दिर
आरो नामघरजों लोगोसे गोदाने
लुफुंनाय शिब मन्दिरनि अन्थाय
खामफगखौ दिनै धोरामनि
नेमखान्थि बादिदै गायसन्नाय
जायो। कभिड-19 नि
नेमखान्थिखौ मानिनाने
(□ 4 बिलाइआव)

भवानीपुर, 30 नभेम्बर:
बिटिस बिसायख थिनि
खुंजागोन सानआ
खाथिसिनआव सौफेनाय लोगो
लोगो दासान्दि गुबुन गुबुन
राजखान्थि दोलोफोरनि
फोसावदिनाया सोलिबाय
थानाय समावनो सालबारि
बियाबआव इउपिपिएल

सालबारि बियाबआव इउपिपिएल दोलोनि बिसायख थि फोसावदिं मेल



दोलोनि बिजाथि बिनद
मोसाहारिनि जानाने दैदेनगिरि,
हेफाजाबगिरिफोरा बियाबनि
गुबुन गुबुन ओन्सोलाव
फोसावदिनायखौ गोखोंसिन
खालामदों। मख'नो गोनांदि,
दिने बिजाथि बिनद मोसाहारिआ
दोलोनि दैदेनगिरि आरो
(□ 5 बिलाइआव)

बिश्वजित दैमारिआ बिटिसिनि सिफ जाया, बिजेपिनि राइज्यो सभानि एमपिसो जागोन

बिटिआरनि सिफआ बर' निफ्रायनो जागोन, अबर निफ्राय डिपुटि सिफ जागोन: रन्जित दास

गुवाहाटी, 30 नभेम्बर:
बिटिसिआव दासान्दि
बिसायख थिखौ लानाने गुबुन
गुबुन राजखान्थि दोलोफोरनि
फोसावदिनायजों ओन्सोलनि
बिसायख थियारि थासारिआ
दुंहाव जानाने दड। दिनै
समबारखालि 25 नं बागानपार
बियाबनि बिजेपि दोलोनि
बिजाथि आरति बरदलैनि जानाने
बिसायख थि फोसावदिंफेदों
बिजेपिनि राइज्योयारि



आफादगिरि रन्जित कु मार
दासआ। फोसावदिनाय मेलआव
आफादगिरि दासआ गोबां
बाध्राफोर फोरमायथियो।
खौरांगिरिनि सोनायनि

बिसायख थिनि फोसावदिनाय
मेलफोराव हाग्रामा महिलारि
आरो हिमन्त बिश्व शर्माआ
सासेआ गुबुन सासेखौ
मावजि, मोखा, सियाल
बायदि सोदोब बाहायनाने
बिबुंथिजों सोंखारिलायनाने
गाग्लोबलायदोंमोन। जिब-
जुनातनि मुं लानाने बिबुंथिजों
गाग्लोबलायनाय जाथायखौ
फिनजाथाय होनाने रन्जित कुमार
(□ 5 बिलाइआव)

बक्सानि सुबनखाटायाव बिश्वजित दैमारी

मुसलपुर, 30 नभेम्बर: बि टि
सिनि त्रैथि बिसायख थिया
जेसेबांनो खाथिनिफ्राय खाथि
सफेदों एसेबांनो राजखान्थि
दोलोफोरनि गेजेराव
बिसायख थि फोसावदिनायावो
एसेबांनो बांनो हमदों। आं बि
पि एफ हानजायाव थानाने
हान्जानि दैदेनगिरिफोरखौ
बुजायसेयावबो बिथांमोनहा
आंनि बाध्राखौ खोनासडखियै,
(□ 5 बिलाइआव)

फिनआव आफादगिरि दासआ
बुडीदि, फैगौ बिटिसि

गुवाहाटी, 30 नभेम्बर :
आसामनि सोलौंथाय मन्थि
ड° हिमन्त बिश्व शर्माआ
दिने सोलौंथायनि मोनसे
गोनां बाध्रा फोसावदों। मन्थि
समीआ फोसावनाय बादिब्ला
करना महामारिनि जाहोनाव गोबाव दानफोरा सम बन्ध जानाने
थानायनि उनाव गुदि फरायसालिफोरखौबो फैगौ गोदान बोसोर
2021नि 1 जानुवारिनिफ्राय खुलिफिनसिगोन। बे आयदानि सायाव
थांखि लानायखौ मन्थि शर्माआ (□ 5 बिलाइआव)

गुदि फरायसालिफोरा आसामाव 1 जानुवारिनिफ्राय खुलिफिनसिगोन



गुवाहाटी, 30 नभेम्बर :
आसामनि सोलौंथाय मन्थि
ड° हिमन्त बिश्व शर्माआ
दिने सोलौंथायनि मोनसे
गोनां बाध्रा फोसावदों। मन्थि
समीआ फोसावनाय बादिब्ला
करना महामारिनि जाहोनाव गोबाव दानफोरा सम बन्ध जानाने
थानायनि उनाव गुदि फरायसालिफोरखौबो फैगौ गोदान बोसोर
2021नि 1 जानुवारिनिफ्राय खुलिफिनसिगोन। बे आयदानि सायाव
थांखि लानायखौ मन्थि शर्माआ (□ 5 बिलाइआव)

बि टि सि बिसायख थिखौ लानाने गावजों-गाव दावराव-दावसि

इउ पि पि एलनि सोद्रोमाफोरखौ गाग्लोबग्रा सा 6 बि पि एफनि मावथिफोरखौ खाबाय



कक्राझार, 30 नभेम्बर: बि टि सिनि बिसायख थिनि समाव
खाथिनिफ्राय खाथिसिनाव सफेनाय हिसाबे बिसायख थिनि बारआ
दुंहावनिफ्राय दुंहावसिन महर लादों। बिसायख थि फोसावदिनाय,
सोंखारिलायनाय, बिबुंथिजों गाग्लोबनायल' नड बोलोबो दावहा
जादों बिसायख थिनि थाखाय। कक्राझार जिल्लानि देबरगाव
बियाबआव थानाय सानखालि इउ पि पि एल आरो बि पि एफनि
मावथिफोरनि गेजेराव सोमजिदों बिसायख थिनि दावहा एबा
दाडबाजि जाथाय। थानाय सानखालि बेलासे समाव बि पि
एफनि सोद्रोमा आरो मावथिफोरा (□ 5 बिलाइआव)

फकिराग्रामाव बि पि एफनि बिसायख थि स्टियारि कमिटिनि मावखुलि बेखेवदों

फकिराग्रामा, 30 नभेम्बर: फैगौ 10 डिसेम्बरआव खुंजानो
गोनां बि टि सि बिसायख थिनि थाखाय दिने फकिराग्राम
बियाबनि सिडव थानाय फकिराग्राम ब्लक बि पि एफआ
गावसोरनि मदद खालामनाय उदां बिजाथि राजु कुमार बर्मननि
जानाने मोनसे बिसायख थि स्टियारि कमिटिनि मावखुलि
बेखेवदों। सोनाब कक्राझार बिधान'सभा बियाबनि एम एल
ए रबिराम नार्जारीआ जुजाथिहैनाने मावखुलिनि रिबनखौ
हासनाने होदों। बे मावखुलि बेखेवनाय हाबाफारियाव 7 नं
फकिराग्राम बियाबनि बि पि एफनि हेफाजाब खालामजानाय
बिजाथिजों लोगोसे फकिराग्राम (□ 5 बिलाइआव)

NERIM GROUP OF INSTITUTIONS Estd. 1992

Admissions open for the following Post Graduate programmes. For admissions into M.Com. & MA (Education), notifications of Gauhati University may kindly be followed.

M.Com (Computer Sc)
M.Sc. (Computer Sc)

MA (Education)
MA (App. Psychology)

Contact Admission Counsellor: 9864750000/ 9954051419
www.nerimindia.org nerimindia@gmail.com
Padma Nath Sarmah Bhawan, Jayanagar, Guwahati -22

सुजुगिरिनि खोलोम

बिटिसि बिसायख 'थि फोसावदिनायनि सावगारि

बिटिसिनि गिबिथि खोलोमनि बिसायख 'थिया खुंजानो गेजेराव रिन सानल' आद्रा सम दसै। बे समनि गेजेराव राजखान्थि दोलोफोरनि फोसावदिनाया मुजिथावना महर जासिन्दै। अदेबानि बेनि गेजेराव सम सम मोनफा-मोननै बुग्लुं-सुग्लुं खालामनाय, फिरफिला बुखुनानै गारहरनाय आरो बिसायख 'थियारि मावखुलि बुफाय-बुसि खालामनाय बादि जाथायफोरबो सोमजिनाय जालादों। नोजोर होथावना बाध्रदि-बे खेबनि बिसायख 'थियाव बिटिआरनि ओन्सोलारि राजखान्थि दोलो गुबैयै इडपिपिएल आरो बिपिएफनि अनगायैबो माहारियारि राजखान्थि दोलो कंग्रेसजों लोगोसे मिर सरकारनि खुंथायाव आरो राइज्योनि खुंथाय गोहोयाव थानाय बिजेपियाबो गोखोडै नांथावनानै बिसायख 'थि दावहायाव बारसोमनानै बिटिआरनि खुंथाय गोहो दखल खालामनायनि दोलै-नोगोरै नांथावनाय नुनो मोन्दों। नेडानि गोखों दैदेनगिरि आरो राइज्योनि आखा-फाखा मन्थिखौ लानानै राइज्योयारि बिजेपिनि आफादिगिरि आरो गुबुन गुबुन थाखोनि दैदेनगिरिफोरबो दोलोनि बिजाथिनि जानानै फोसावदिनायाव नांथावनाय नुनो मोन्दों। बिब्दिनो सम सम कंग्रेस दोलोनिफ्रायबो फोसावदिनाय जादोंब्लाबो गोखों महराव नुनो मोन्नाय जायाखै। फोसावदिनायनि महराव नुयोब्ला बे खेबनि बिटिसि बिसायख 'थिबो बिजेपि दोलोया गोलेयै लायाखै। बेराफासै गादिखौ हमथानानै लाखिफिनो बिपिएफ दोलोयाबो फोसावदिनायखौ गोखोंनिफ्राय गोखों खालामनाय नुनो मोन्दों। फोसावदिनायखौ नोजोर होयोब्ला बे खेबयाव मेगनाव नांथावसिन आरो गोसो बोनो हाथावनासिन जादों इडपिपिएल दोलोनि फोसावदिनाय हाबाफारिया। श्रीरामपुरनिफ्राय पासनै सेरफासिम बिटिसिनि दरबै जिल्लानि मोन जिब्रै बियाबफोरबो लांथियैनो बिसायख 'थियारि गोमा, साइखेल रेलि, बाइक रेलि खुंनानै राइजो-राजा भटारफोरनि गोसो जै खालामनो फोसावदिनायाव नांथावनाय नुनो मोन्दों इडपिपिएल दोलोखौ। इडपिपिएल दोलोनि मोनफ्रोम फोसावदिनाय मेल, रेलिफोरबो सुबुंफोरनि लैहोर-लैहोर बाहागो लानायखौबो नुनो मोन्नाय जादों।

बिटिसि बिसायख 'थिया बे खेबआव मोन्ने खोलोबजों खुंजागोन। रिन डिसेम्बर अक्टयाव उदालगुरि आरो बागसा जिल्लायवाव आरो नैथि खोलोबयाव चिरां आरो कक्राझार जिल्लायवाव जि डिसेम्बर अक्टयाव खुंजागोन। बिसायख 'थिया जेसेनो खाथियाव सौफेदों एसेनो फोसावदिनाय आरो गावजों-गाव सौंखारिनाय, अजद होलायनायफोरबो गोखों जासिन्दों। गुबैयै बिजेपि-बिपिएफनि गेजेरावनो फोसावदिनाय समाव बाध्रा बान गावलायनायफोरा मुजिथावनासिन जादों। सम सम नव शरनिया आरो कंग्रेसआ बिजेपि-बिपिएफखौनो थोखिनानै गोखोडैनेो बाध्रा बानजों सौंखारिनाय फोसावदि मेलखौ दुंहावसिन खालामनाय नुनो मोन्दों। बाध्रा बान गावलायनायनि गेजेरजों सैथो-नंखाय बाध्राफोरखौ भटारफोरनि नोजोराव लाबोबो नाजादों।

दिनेनि फानजामुथि

राशि बाइदियै मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ङ ङ) कर्कट : ड ह सिंह : म ट कन्या : प ठ (ण ष) तुला : त र बृश्चक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

मेघ: जेखि जाया खामानियावनो मुलाम्फा खालामनो हागोन। फालांगिरिनि थाखाय गाहाम सान।

वृष: नख रनि जेनाफोरखौ लानानै गोजोन्नाय मोने मोनगोन। गोसोखौ लोखबां दाखालाम।

मिथुन: मोजां रंग 'थि जानो हनारनि थाखाय बरनिबो सम्मान मोनगोन। गोसोआव जौगनाय लाबोगोन। मोजां सान।

कर्कट: फालांगि मावनायाव रनि मुलाम्फा मोन्ने हागौ। फारफोमर्थिबो मोजां।

सिंह: माबा मोनसे मोन्नायनि सुजुग सुबिदा मोन्ने हागोन। गोसोखौ गोजोन मोनगोन।

कन्या: माखौबा लानानै सोरजोबा गावसालायनाय जानो हागौ। गोसो हमथानानै थानांगोन।

तुला: बोरैबाफोर जेनायाव गोग्लैनो हागौ। जैबो सांग्रां जानानै थानाया मोजां।

बृश्चक: गोसोआव मानोबा दुंहाव थासारि सोमजिखानो हागौ। जेखि जाया धैय्य हमनांगोन।

धनु: फुं समाव गोजेने थानो हागोन। 12 थानि उनाव माबेबा खामानियाव हेंथा मोन्ने हागौ।

मकर: जेना-जेसि गैयै गोजोनै थानो हागोन। फारफोमर्थिबो दावगालानो हागोन। मोजां सान।

कुम्भ: गोजाम बेराम थाखानायफ्र सिखाबयानो हागौ। देहाखौ सांग्राडै लाखिनांगोन।

मीन: मोजां खामानिफोरखौ मावनानै लानो हागोन। दिनेनि दिना गोथार सान।

सुंद 'सल'

- जैप्रि बर'

दाखलि बानाजों लोमसावलांनयनि जाहोनाव दा जॉनि ब 'नि सोरगिदि फिसा फिसा हाखरफोरब, दुब्लिफोरब दै जेब जेब दं आरो बेवहायनो नाफोराबो जोम जोम जालायनानै दं। जेख्राइ बायनांगौ आंहा। आगोलनि जेख्राइया थानाय बोसोराव ना गुरफुबाय थानायावनो बायदों। गोदान बायफिनो सम आरो खाबुआ दिनेसो जुफिदों आंहा।

“बेसेबां लाखो जेख्राइयालाय ?”
आं जेब्ला जेख्राइखौ बायनानै न'फारसे गिदिफिनहां जादों सासे बुरे थिंथिं गिंआ आंखौ राव होदों।

“नैजौ !”
फिनबाय आं
“आंबो मोजां मोनसोयो ना गुरनो। जेख्राइया थिलेब लेब मोजांथार !”

थिंथिं गिं बुरैया आं लानाय जेख्राइखौ नायनानै बुंवावदों। माबा मोनसे फिननांगौ होन्नानै सानारिखेसै आं। मिनिस्तुनानैल' थादों।

बियो आंनि उन उन फैफादों। दौबानिफ्राय प्लास्टिक थ'फला मोनसे हानानै बेनिफ्राय गइ खान्दिसे दिहुन्नानै खुगायाव श्रोब सांदों। फाथै जिख्खाबसेयाव थंखु तेमानिफ्राय सुनै दिहुन्नानै फुनदों, बेनि उनाव जरदा एसे होनानै खुगायाव श्रोब सोहरदेरदों। गोथाव नुदों आं बिनि गय जानायखौ। बेनिखायनो थाद 'नानै बेनि फारसे आबो आखाय फोलायहारदों।

“जरदा नाड ?”
सांदों बियो।
“नाड, सुनैब्लानो जायो।”
बिनि गयखौ जुथे जानानै जेख्राइखौ जान्जियाव लानानै आं थाबायहां जाब्ला बियो बुंदों-
“नोनाव माबा सांगो आं”
बिनि आंजों सिथाब सिथाब जानायावनो आं एसे हमनो हाखादों बिहा माबा मोनसे लोरबोथि दं।

“नां बे सोहोरनिनोखा नामा ?”
बिनि थोंजों सांनय
“ओ !”
“नोहा सोरजोबा सोरजोबा सोरजोबा सिनायनाय दंगोन ?”
बियो सांबावदों।
“माबादि मानसिजों सिनायजानो लुबैदों नों आंखो ?”
उल्थायै सांफिन्दों आं बिनाव
“बिब्दिनो... सोरबा ह टेलनि बिगोमाफोर...मेनेजारफोर... ?”
“ओंखाम जानो ?”
“नडा... बासन सुग्रा थागौ आं”

बिनि बाध्राखौ खोनानानै आं दान्दिसे दोम थाद 'दों। “फै” होन्नानै बिखौ आं गंसे साहा गलायाव लिंलादों।
“दे मादें, नों सोर बवेनि आंनो मोजांडे खिन्थानायसाय”
मिस्टि-नेमफि आरो साहा कापसे लोंखंगौमानियावनो मादैया आंनो गावनि जिउ सलखौ लाजिया-फांजिया खिन्थाना लादों। मा बुंनो जेबो साननानै मोनाखै आं। बेनिखायनो आंजों लोगोसे रिक्सायाव गाखोनो थिन्नानै आं बिखौ बुंदों-दिनेनिफ्रायनो आंनि न'यावनो थागोन। आंनि फिसाफोरखौ बेगोन।

मादैया खिन्थाना लानाय बादिब्ला-बियो बाक्सा जिल्लानि बिब'-बिनावनाय साथाममोन बिसोर। गोरिब न'खर। रुवाथि थानानैनो देरदों बिसोर। बेबादि रुवाथि थानायावनो थानायावनो मादैया लोगो मोन्दोंमोन। निलेस्वर रय मुनि सासे राजबंशि संग्राखौ। गाव रुवाथि थानाय बिगोमानि साखाथिनि न'खरसेयाव बिबो गारि सुग्रा, हाथाय खालामना होग्रा महरै दंमोन। बैसोनि हांखायनाय बादियै सानफ्रोमबो नुयै नुयै गोसोआ लेमलादोंमोन बिसोरना आरो बिसोरो खारखोमालांनानै हाबा जाहैदोंमोन मोनसे मन्दिराव। हाबानि उनाव बिसोर सानैबो गौहातिआव न' गंसे भारा लानानै थाहैदोंमोन। निलेस्वर मावसोमग्रा मानसि। हाबानि उनाव खस्थ खालामनानै बियो गोबां रां आरजिनो हादों। बेजों बिसोरो हा बिघानै बायना लानोबो हादों। सुखुयै बिसोर संसार जादों। बिसोरनि जिउयाव हिन्जावसा फिसा सासेनि नुजाफैनाया आरोबाव खुसिखौ लाश्र'हायै खालामबावदों। गाव खामानियाव थाब्ला बिसिया गथ 'जों हारसिडै थानांगौ जायो होन्नानै उनाव निलेस्वरनि हाबा जायै बिब' सासेया थाफाफेदों बिसोरजों। लासैनो फंवाय सासेआबो उनाव बिसोरजोंनो सथबफेदों। मादैन फिसाजोआ गु दान जाब्ला, मानबायफुनोल' रंथारदोंमोन बे समाव, गोब्राब लोमजादोंमोन। देहाफाहामसालियाव थिसनदोंमोनब्लाबो बिनि गोरलै जिउखौ रैखा खालामनो हायाखिसै बिसोर। बिनि बोसोरनै उनाव आरोबाव हौवासा गथ' सासे जोनोम होदोंमोन मादैया। सख्ल'-बख्ल'नायनो मोजांथार। नाथाय बे गथ'आबो दानद'नि बारा गोबाव थानानै थायाखिसै। मोदोमगंसे माबा थिफुखानाय जादोंमोन गथ'नाव, आं लानो गोब्राव जादोंमोन। उनाव बिब्दिनो बियो जोबथा हां हगारदों।

लोरगि

सानै सानै फिसाफोरनि बेबादि अबथिरा रुसारि जानायाव निलेस्वरा जोबोद दुखु मोन्दोंमोन। गोसनि दाहाखौ होखारनो बेनिखायनो बिबो जौ लॉनो लादोंमोन। खामानि-दामानि मावनो नागारदोंमोन। बिनि जौ लॉनाया बाराद्राय जानायनि जाउसन सानसे बिबो बेरामाव गोलैबाय। डाक्टर-अजा होसोथिब्लाबो मादैया फिसाइखौबो फाहामनो हायाखिसै। फिसाइयावो बिनिया जोबथा हां नागारलांबाया। फिसाइ थैखानानै मादैया सान्दोंमोन-गावसोरहा जिहेतु, हा, न'-बां दंखायो, बेवहायनो थानानै गावबो बेबादिनो बायदिसिना खामानि मावनानै, बिबोनांखौ बेवहायनो हाबा होनानै जयै ग्रोम ग्रोम राइजो जालांबाया थानोसै। नाथाय बिनि खर'याव बारहुंखा बारदोंमोन जेब्ला बिबोनांआ बिनो खिन्थाबाय-बिदाखौ फाहामथाय होनायाव गोनां जानाय रनि थाखाय बे हाफोरखौ न'जों जावजों फान्नाय जादों। बिसोर दा बे हा, बे न'आव थानो मोनलिया। गामिनि न'आव थाहै फिन्नांसिगोन। नाथाय बिबोनांफोरजों लोगोसे जेब्ला मादैया गामिनि न'आव थाडो...मादैखो न'आव हाबनो होनाय जायाखिसै। बिहाव-बिखुनजो बिबोनांमोनहा बिखौ फिसाइ-फिसानि खर'जाग्रा दाइनि होन्नानै खानायाव हमनानै बुदु बुदु बुरिलनानै होखारहरदों।

मादैन थाखाय जेथिबो लामा गोथेनायमो। बहा थागोन, बबाव थांगोन, सोरनाव सायख्तुम मोनगोन बियो सानस'ब्लाबो मोनाखै। स्टेशन स्टेशन गोदान सोराव थाबायदिंलाबाय थानाय समाव सासे अनसुला मानसिया बिखौ लोगो मोनसन्नानै गावसोरनाव लानानै थादोंमोन। बिसोरनाव दानथामसो थानायनि उनाव बिहा मेगननि जेनायाव गोलैदोंमोन। जालामा खाथेनानै बियो मेगन नुवा नुवा जादोंमोन। मेगन नुयै, मावनो दांनो हायै जानायलाय बै अनसुला सुबुंनि बिसियाबो उनाव बिखौ होखारहरदों। बिसिया होखारहरदोंब्लाबो फिसाइया बिखौ सोद

लोगो हमाहैफिनानै उनाव मोनसे आस्रमाव दोन्ना फेहैयो। बै आस्रमावनो बिनि मेगननि फाहामथाय होनाय जानायसै। जेब्ला मादैन मेगना मोजांडे नुनो हानाय जाफिनबाय, बिहा सोर सोर खुरमा बाहागि दं नागिरनानै आस्रमनि सुबुंफोरा मादैन बिब 'नि फिसाजो सासेखौ संनानै दिहुननायसै।

बिनि उनाव मादैन बियादेनि आखायाव मादैखौ गथायनानै बे आस्रमाबो उनाव उदां जाबाय गावसोरनि मावनांगौ बिबाननिफ्राय। मादैखौ लानानै दा बियादैया जोबोद खैफोदआव गोलैदों। बिहाव बिखुन्जो, हाबा जायै फिसाइनि बिब' सानै, बिबोनां हौवानि फरायनाय खरसा, गावनि फिसा साथाम आरो फिसाइनि थोब्लिद-माब्लिद दानबान्था। बेबादियाव माबोरै बेबादि उफ्रा मानसि फिसिबावनो हाबावनो बियो गोसोआ लुबैमालाय। बेनि अनगायैबो फिसाइनि न'खरनि मानसिफोरा लुबैया बेबादि, थोब्लिद-माब्लिद न'खराव उफ्रा मानसि फिसिनायखौ। बेनिखायनो बियो बिमादैखौ गुरैयै बुंदों-“मादें, नों ह टेलफोराव बासन सुग्रा थाहैदो। बेवहायथ' मोजां गिदिर ह टेल गैया, नों सोहोराव थानानै रायज्जालानानै थाहैदो।”

बियादैजों बेबादि बुंजानानै मादैया गावबो मोनदादों बेबादि, थाहैनायानो मोजां जासिगोन। बेबादियैनो बियो थैजासिम थानानै थानांसिगोन। सोरथो लाबावनो बिनि बिबानखौलाय... ? नाथाय सिनायमोनै सोहोराव, एसेबां हांगो-दोंगो मानसिफोरनि गेजेराव, एग्रे-बाग्रे ह टेल-गलाफोर थानायाव सोरनाव सोंनो, सोरजों रायज्जालानो आख'-फाख' मोन्दोंमोन बियो। हाथाइयाव गिदिथिबाय थानायावनो बियो आंखो नोजोर होखुमाबाय थादों आरो गावखौ मदत खालामथावथाव मोनानै लादों। बेनिखायनो सिनायाब्लाबो राइदावफेदों बियो आंखो।

“आयै... आबैनि खानाया गुफुर जाजोब्याय। गोसोम खालामग्रा थाव लाबो। खानाया गोसोमोनो थाबाय थाब्ला आबैखौ जोबोद समाइना नुवावगोन”

जॉनि न'खराव फैनाया मादैया दिने बोसोरबानि बारबाय। जॉनि न'खरनिनो सासे होन्नानै बयजोंबो सिनायजानाय जाबाय। जों दा रावबो मादैखौ हगारहरनायनि बाध्रा सान्नो हाया आरो गावबो जोंखो नागारलांनयनि बाध्रा सान्नो हाला। बिबै मोनफेरै फिसौफोरबो दा मादैजों गुलि गुलिथारसै। फिसौफोरजों गलेनाय, बिसोरखौ फरायसालिनिफ्राय लायनाय हाबायाव मादैखौ मुखुब लाखिनो हानानै आंहाबो फारसे थारला जादों। आं दा फिसाफोरखौ, न'खरखौ मादैन आखाइयाव नागारसारनानै उदां गोसोयै बायह्याव ओंखारलांनो हायो। बै सानाव अबंलावरिया जोंखौ लोगो मोनलायहोनायनि थांथियाबो जेन'बेनोमोन-रावबो गैजायै मादैन थाखाय आं लोरगि आरो फिसा सानैनि अनगायै रावबो गैजायै आंनि संसारनि थाखायबो मादैया लोरगि जानानै नुजाफेदों। सोरनि थाखाय माब्ला माबादि गोरोबलायनाय लिरनानै हरो बेखौ अबंलावरियासो मिथिसिगो।

“आंनिखुइ नोंसा नोमानासो फुरजोबसिन्नाय। नायलाय नोंसोर मोजांडे। नंनारनि नडैनो सानहाबलाबाय थानायखायनो अबथिरा मोनजोब्याय नोंसा नोमानि खानाया। माखौबा एसे सानहाबबाय थायोथाय ? एसेबां जिंगा सिनांगौबा मा दं ?”

फिसौफोरजों जंखयजानानै आंनिथि थिर गावहरदों मादैया। मिनिस्तुनानैल' थादों आं मादैन रावआव। आंदि गावनिनो बाध्रा सानगासिनो दंमोन बेखौ फोरमायनांगौ होन्नानै आं सानाखै।

बुर्लुबुथुर दैमानि सायाव चीनआ बान्दो बानायनो बिथांखि बानायबाय



बेइजिं, 30 नभेम्बर : सान्जा लादाखआव भारतजों हाथा-हामा जालायनायनि गेजेरावनो चीनआ तिब्बतआव बुर्लुबुथुर दैमानि सायाव आरोबाव मोनसे बान्दो बानायबावगोन आरो फैनो गोनां बोसोरनिफ्राय गनायथि मोन्ने गोनां 14 थि 5 बोसोरारि बिथांखियाव बेजों सोमोन्दो थानाय हाबा-हुखानि सायाव सावरायलायगोन। पावार कनस्ट्रक्शन कपरिसन अफ चाइनानि आफादिगिरि यांग जिथोंगनि बादिब्ला, चीनआ थारलुं जंब' दैमा तिब्बतनि (बुर्लुबुथुर)गाहाय बाहागोयाव दैनिफ्राय मोब्लिब गोहो दिहुन्नाय बिथांखिखौ जागायजेनगोन। बे बिथांखिजों दैमानि सिडव थानाय मुवा-बेसाद आरो नख'रारि रैखाथिखौ गोखों बानायनायाव मदत मोनगोन। बुर्लुबुथुर दैमाया भारत आरो बालादेशनि गेजेरजों बोहैलादों। बेबादियाव बेवहाय बान्दो बानायखौ लानानै दरनैबो हादतनि जिंगासिनाया बांदों। चीनआ बुंदों-भारत आरो बालादेशनि हिदतखौ नोजोर होनानै बे बान्दोखौ बानायनाय जागोन। भारत सरकारआ नेमखान्थि बादियै गावसोरनि सान्नाय-हनाय आरो जिंगा सिनायखौ चीननि बिबानगिरिफोरनो फोरमाय बोबाय थादों आरो भारतआ दैमानि गोजौ बाहागोयाव हाबा मावनायजों गहाय बाहागोयाव सोमोन्दो थानाय हादतफोरनि हितया जाहाथे ख'हा जाया, बे बाध्राखौ नोजोर लाखिनो चीनखौ खावलायहरदों।

बेहरिन ग्रां प्रि फर्मुला वानआव सासे बादायारिया खैफोदनिफ्राय जिउ रैखा मोन्ने हादों

मनामा, 30 नभेम्बर: मुलुगनि गुबुन गुबुन गेलेमुनि गेजेराव फर्मुला वान रस बादायलायनाया गुबुन मोनसे खैफोद गोनां बादायलायनाय महरै मिथिजायो। फर्मुला वान मेचआव सम-सम बादायारिफोरनि खैफोदजों मोगा-मोगि जानांनय जाथायखौबो नुनो मोनबोदों। बेबायदिनो बेहरिन ग्रां-प्रि फर्मुला वाननि बादायलायनायाव सासे बादायारिनि सालायनाय कारआ हरखाब सौग्रावनायजों अर जौब्लावो। जाहोनाव ड्राइभार



रमान ग्रसजेनआ बे खैफोदनिफ्राय खुनुरुकुमै जिउ रैखा मोन्ने हायो। सुलुनि बायदिब्ला ग्रां-प्रिनि गिबि

राउन्ड लेबनि गिदिखन्नाय समावनो रमाननि गिथावनायै सौग्रावनाय जाथाया नुजाथिदोंमोन। 34 बोसोर

बैसोनि ड्राइभारनि बुंथिगिरिया मिथिहोनाय बायदिब्ला फर्मुला वान ग्रां-प्रिनि गिबि राउन्डनि लेबखौ गिदिखन्नाय समावनो हरखाब सौग्रावनाय जाथाया नुजाथिदों।

ड्राइवारा जिउ रैखाथि मोन्दोंब्लाबो नाथाय देहानि माखासे अंग'आव जोखोम जानायखौ नुनो मोन्नायजों बिखौ हेलिक् पटारिनि हेफाजावजों थाबैनो बि डि एफ एन सि मिलिटारि दं हाफ। हा म स र्फि ल या व फाहामथायनि थाखाय लांनय जायो। बेहरिन ग्रां-प्रि फर्मुला वानआव मुलुगनि गोबां ड्राइभार एबा बादायारिफोरा बाहागो लादोंमोन आरो बिसोरनि गेजेराव लुइस हेमिल्टनआ सिगां सारिआव जायगा लानानै दंमोन होन्ना सुलुनिफ्राय मिथिनो मोन्दों।

सभाराम बसुमतारि गोसोखां फुटबल सेम्पियनसिफनि फाइनाल मेचखौ लातागाव देरहासाद क्लाबआ देरहादों

बासुगाव, 30 नभेम्बर: रुसारि सभाराम गोसोखां फुटबल सेम्पियनसिफ टूर्फोनि जोबथा मेच एबा फाइनाल मेचखौ देरहानो हादों लातागाव देरहासाद क्लाबआ। हान्जाया फाइनाल मेचआव एन्टि भाइरास स्पर्टस क्लाबखौ 2-1 गलनि फारगथियाव फेजेनो हानानै बाथ्थखौ आजावो। कक्राझार जिल्लानि सालाकाटि दालाय पुलिस बादानि सिडव थानाय डगरपारा अन्सुमै आफादिनि बान्जायनायाव डगरपारा गेलेग्रा फोथाराव सेम्पियनसिफनि फाइनाल गेलेनाय मेचखौ

देरहानो हानायजों टूर्फोखौ मोन्ने हानायनि अनगायैबो गेजेन हान्जाया रुसारि गुणेवर गयारि गोसोखां टूर्फो आरो मेन अफ डा सेरिस बान्थाखौ आजावनो हायो लसन बसुमतारि गोसोखां काप। फाइनाल मेचखौ सामलायदोंमोन रापेल बास्कि आरो बिथांखौ हेफाजाव होदोंमोन राजु कुमार राय, सपन कुमार रायमोनहा। मख'नो गोनादि, थानाय 23 नभेम्बरनिफ्रायनो सोलिबोनाय बे गोसोखां फुटबल सेम्पियनसिफआव मोन 21 फुटबल क्लाबफोरा बाहागो लादोंमोन।

देरहानो हानायजों टूर्फोखौ मोन्ने हानायनि अनगायैबो गेजेन हान्जाया रुसारि गुणेवर गयारि गोसोखां टूर्फो आरो मेन अफ डा सेरिस बान्थाखौ आजावनो हायो लसन बसुमतारि गोसोखां काप। फाइनाल मेचखौ सामलायदोंमोन रापेल बास्कि आरो बिथांखौ हेफाजाव होदोंमोन राजु कुमार राय, सपन कुमार रायमोनहा। मख'नो गोनादि, थानाय 23 नभेम्बरनिफ्रायनो सोलिबोनाय बे गोसोखां फुटबल सेम्पियनसिफआव मोन 21 फुटबल क्लाबफोरा बाहागो लादोंमोन।

एडभेन्सार्नि थाखाय मोजां जायगा भायनाडया

गोदान दिल्ली, 30 नभेम्बर: भायनाडया बिफां-लाइफांजों बुंफबना थानाय समायना जायगा। बेवहाय गोबां दावबायग्रा जायगाफोर दं। बेवहाय ट्रेकिंग, भट्टि, रिभार टाफिर्टिन अनगायैबो गुबुन गुबुन एडभेन्सार्खौबो रंजा-बाजा खालामनो हागोन।

भायनाडखौ एडभेन्सार् एक्टिभिटीनि थाखाय मोनथिनो मोन्नाय जायो। शहरनि लामाया मोजां जानायनि जाहोनाव बेवहाय साइके लजों दावबायनो हायो। मानोना फेरैलानि गुबुन शहरफोरनि रुजुनायाव बेवहायनि सुबुं अन्जिमाफोर गोबां खम।



1. एडभेन्सार् स्पर्टनि फारिलाइयाव रक क्लाइम्बिनि मुझ बावयैसो समाव सरजाब जादों। बे एडभेन्सार्खौ ट्राय खालामनो थाखाय बैसोजों लोगोसे एक्सपिरियान्सबो थानांगों। नाथाय बेवहाय दावबाय फेग्रा टुरिस्टफोर रक क्लाइम्बिनिफ्राय बांसिन जिप लाइनि एडभेन्सार्खौ इन्जय खालामो।

2. भायनाडआव सेन्सुरी आरो हाथी रिजार्भ दं। जाय बेवहाय दावबाय फेग्रा टुरिस्टनि टप फारिलाइयाव थायो। 345 वर्ग कि:मि:



आव गोसारना थानाय बे रिजार्भखौ बाय डाइभासिटीखौ रैखाथियै लाखिनो थाखाय बानायनाय जादोंमोन। बेवहाय हाग्रानि मुफुर, दावराय, मै, मिथुन मै, फेसा, लखा, मोखा आरो ब्लेक पेन्टर्सखौ नुनो मोन्नाय जायो।

3. भायनाडआव टरिस्टफोर दावबाय फैनानयनि गाहाय जाहोना जादों बेवहायनि नेचरेल बिउटी। बेनि समायनाखौ बनसुर डेमआ




(1 बिलाइनिफ्राय)

राजखान्थियारि मुलाम्फानि थाखाय मन्थि हिमन्त बिश्व शर्माआ दासान्दि नंखाय रावजों बि पि....

बि पि एफनि दैदेनगिरि रबिराम नार्जारीआ। दिने कक्राइर जिल्लानि फकिराग्राम बियाबाव बिपिएफनि मदद होनाय बिजाथि राजु कुमार बर्मननि थाखाय मोनसे बिसायख थि फोसावदिं मेलआव बाहागो लानाने मन्थि हिमन्त बिश्व शर्मानि हेंथायै गोखों फिनजाथाय होदों आरो बि पि एफनि हेंथायै बिबुंथि लाखिबाय थानायनि थाखाय गोखों रावजों गाग्लोबदों। एम एल ए नार्जारीआ गावनि आरो बि पि एफ दैदेनगिरिफोरनि सायाव हिमन्त बिश्व शर्मानि दाय होनाय एबा अजद होनायखौ थेंजोडै नेवसिगारदों। बिथाडा बुडोदि, बि पि एफ दोलोआ बि जे पि दोलोनि दैदेनगिरि आरो सोद्रोमाफोरखौ माल्बाबाबो हुमखि होफेराखौ आरो नंखाय दाय जावसिनाखै। बि पि एफ दोलोआ ओनसोलाव जेब्लायबो गोजोन थासारि हास्थायग्रा मोनसे राजखान्थि दोलो। बे दोलोआ बि टि सिआव जेब्लायबो गोजोन आरो खौसेथिनि आबहावाखौ हास्थायबोदों आरो लाखिबोदों। बिसायख थिनि थाखाय गावसोरनि राजखान्थियारि मुलाम्फानि थाखाय मन्थि हिमन्त बिश्व शर्माआ दासान्दि नंखाय रावजों बि पि एफनि दैदेनगिरिफोरखौ सोंखारिबोबाय थादों आरो राइजो-राजाफोरनि गेजेराव गोनो गोथो सोमजिहोदों। नाथाय बिथानि बेबादि नंखाय बाश्रा बांसावनाया ओंथि गैयै। मानोना बि पि एफ दोलोआ जेब्लायबो मोजां खुंथायनि थाखाय आरो समाजाव गोजोन खौसेथि थासारि लाखिनो थाखाय आबुथिखौ मानिनानै सोलिबोदों होननानै एम एल ए रबिराम नार्जारीआ बुंबावो।

गसाइगाव टाउन बारवारी कालि मन्दिर आरो नामघरनि गोदान लुफुनो गोनां शिव मन्दिरनि अन्थाय खुन्थिया गायसदों

गसाइगाव टाउन बारवारी श्री श्री कालि मन्दिर आरो नामघर सामलाय आफादनि बान्जायनायाव खुंनुय अन्थाय खाम्फा गायसन्नाय हाबाफारिआव जायगानि समाज सिबियारि सिरन्जिलाल महेस्वरीआ अन्थाय खाम्फा गायसन्नायनि गाहाय मन्दबनि लाइखु-थाखौ फसन्नाय लुफुनाय खामानिखौ गोजोनै जागायजेनो। खमैबो 8 लाख रं बाहायनानै लुफुनो लानाय शिव मन्दिरनि सासे सुबुड खरसा बाहायनायनि बाश्राखौ मिबथिहोदों गसाइगाव टाउन बारवारी श्री श्री कालि मन्दिर आरो नामघर सामलाय आफादनि नेहाथारि सिन्मय बलआ। दिनेनि हाबाफारिआव सामलाय आफादनि आफादगिरि जयन्त डेका, पद्मधर दासमोनजों लोगोसे माखासे गागि सुबुंफोरबो बाहागो लादोंमोन।



नै गुन बांसिन समाय होयो। जायखौ भट्टिनि गेजेरजों एक्सप्लर खालामनो हागोन। टुरिस्टफोरनि थाखाय बेवहाय सानफ्रोमबो फुनि 9.00 रिगानिफ्राय बेलासिनि 5.00 रिगसिम पेडल आरो स्पीड भट्टिनि सुबिदाखौ मोनो बेयो मुलुगनि बयनिखुइबो देरसिन डेमनि गेजेराव मोनसे।

4. फारफ्रोमथिजायबो गोथां बिफां लाइफांजों बुंफबनाय भायनाडयाव दैमाफोर, बिलोफोर आरो दे बाब्रुमआ गोबां दं। जेराव एडभेन्सार्नि



गोबां खावुखौ मोनो। आरोथ, मननथावडी आरो पाझासी पार्कआव फैनानै राफिर्टनि रंजानाय बाजानायखौबो लानो हागोन। मोनफ्रोमबो जायगायाव राफिर्टनि आलादा आलादा लेबेल दं, जाय फुरयै गुबुननियाव सोनारनानै थायो।

5. भायनाडयाव लाइफटाइम एक्सपीहिथान्सनि थाखाय समायना कुरुवा आइलेन्डयाव दावबाय हेंनांगौ। बेवहाय दावबाय हेंनो थाखाय बेम्बु राइडखौ लानांगौ। कबीनि दैमायाव डेल्टानि गेजेरजों



बानायनाय बे फिसा आइलेन्डनि हान्जा दं। जेराव दावमा दावसानिफ्राय लानानै फुलफोर आरो बेन्दों बेनला मुलिफोरनि गोबां बेराइटीखौ नुनो मोनो। बेनि अनगायै औवा बिफां आरो माखासे आगोमा बिफां लाइफांजोंबो बेवहाय नुनो मोनो। समायना जानायजों लोगोसेनो बेम्बु राइडनि जाहोनाव बे आइलेन्डया मुलुगनाइने दावबायारिफोरनि गेजेराव मुंदांखा।

6. कालीकाट इन्टरनेशनल एयारपर्टआ बेवहायनि खाथिनि एयारपर्ट, जेरावनिफ्राय भायनाडनि जानथाया 65 कि:मि: गोजानाव दं। भायनाडयाव रेलवे स्टेशन गोयैनि जाहोनाव दावबायारिफोर कझीकडसिम थानांगो जायो।

रंजालि गथ' फोरनि सौरा

सोरखौ सौर मालाय सान्दों

नै आगोमा बर' जोहोलावफोर

बर' बिमानि गोबोंनिफ्राय जोनोम लाबाय नोंसोर

माखौ सान्दों माखौ मावदों

सोरखौ सौर मालाय सान्दों ?

फेदेरनो गेग्रैब ग्रेब बिमानि देराखौ

बेसेन होनो सुबुं जिउमाखौ

नाथाय नड बिनि अनगायै-

गावजों गाव जोबभ्रानायनि दावहा सोरजिबाय।

सोर दड जोहोलाव नोंहा नखराव ?

गैया रावबो गैया नखरानो फिसाखा।

फिसा नखरखौ गिदिर फेदेरनो

हारिनि महर मुस्रिखौ फोजोंखानो।

बर' हारिनि आलादा राज्यो दानो, सिमां नुनाया-

जाबाय दिने जोहोलावफोर

बिदा फंबाय बुलाय-सोलाय, दानलाय सुलाय,

आरो नुबावबाय सोंनाय गैया फिन्नाय गैया

गोसोम उखुन्दैनि गेजेरजों

A.K. 47 नि बिपनि गुलिजों

अन्थाय बिखानि बबा रायज्जानाय।

ल'हाया जिउ,राव, गियान, धोराम गैया

नाथाय मानसि हादि-

जिउ दं, गियान धोराम दं मानोथो-

रायज्जानायनो रोंदिया, सानो रोंदिया, बुजिनो हादिया-

अ' मानसिया मानसि नंला।

नों आंखौ गावथारदों खहाया नोंनिनो जादों

आं नोंखौ गावथारदों खहाया आंनिनो जादों

नाथाय नोंनिनो आंनिनो' खहा नड

बिजिरलु आखुनि गोहोआ दिन्थियो

बेवहाय दुलाराय बर' हारिनि।

मोजाड मोजां सान्दों गात्रिया गात्रि बुजिदों-

बिदा-फंबाय गवायलाया जादों

नाथाय बेवहाय लाजिनाय गैया।

बुजिनाय गैया बिजिनाय गैया

धोराम गैया अनलायनाय गैया

बेनो नामा जोहोलाव-

हारि सिबिनाय राज्यो दाबिनाय

माहारि फेदेरनाय, मास्टर रेस दानो सान्नाय:

बिमानि मोदें हुगारनाय ?

आं जिंगा सियो गावो फिसाफोर

आंहा गोबों दं बिखा दं

फिसाखौ खानायनि बासायनायनि

हारिखौ मोजां मोन्नायनि सिबिनायनि

आं दुखु जायो फिसाफोर नोंसोरबो दुखु जादो

आं मोदें गयो फिसाफोर नोंसोरबो मोदें गदो।

बिदा फंबायजों खौसे जाफिन्दो,

बर' हारिनि इयुननि गोजोन नखरखौ

गोदानै दाफिन्तो

सानलायदो बुजिलायदो गोरोबलायदो

दुलाराय बर' हारियानो खौसे जाफिन्दो।

प्रदीप कुमार बसुमतारी

नेवसि जानाय गोसो

बे मोजां मोननाय नि गेजेराव

नडमोन आं दायनि गिरि।

लानांबाय दायखौ रुजुनानै आं,

नागर लांबायनो आंखौ!

अब्लाबो नोंखौ गोसो खानानै लिरो

आं हरखि सान लाभ लेथार

नोंखौ गोसो खानानै सुजुयो

आं खन्थाय रायथाय।

फोरमाय हरनो सानोमोन

नाथाय गैया रावनिबो हेफाजाब,

साया माया गेले फैबाय थायो

नों आंनि बिखायाव।

लाबाय आं नोंनि मुंखौ

बिखायाव सोनानै।

अराय जिउनि थाखाय

गोसो खांबाय थायो आं नोंनि महरखौ

नाथाय नुवा आं मोकथांआव

नोंनि महरखौ लाय।

मुश्री जोंसार नारजारी

फरायसालि-मागुर मारि गोजों फरायसालि

थाखो-जि (10)

गामि-खात्वाल गुरी

बौसो-जिबा (15)बोसोर।

बिखा गावो खुगा गेवा

बुंनो-बुंनो सानो आं नोंनो

आंनि गोसोनि खोथा

सेराव थांन्ना जेबोखौनो बुंस'हाया

गिनाय लाजिनायजोंनो

थासै आं गंस्तिना

मेगन खनाजॉल'सो नायसै

इसारा जॉल'राव होसै

मानोथो बुजिया नोंलाय सना

आंनि इसाराजों फोरमायनाय

गोसोनि रावफोरखौ..... ?

नायब्लाबोथ'अहाखाया नोंनि महरखौ

नायब्लाथाय नायबायसो थानो लुबैसै

नोंनि मिनिस्लु-मिनिस्लु मिनिनानै

रायज्जानाय नोंनि फाव फोरखौ

हाया! लै सना.....

बिखा गावो खुगा गेवा।

निरमालि बर'
गामि: गेरुवापारा बाक्सा

सुबुंथि

गोदान गोन्खोयारि मुगा

सुबुं सोदोमन्थि दैदेनाय समाजाव

नागिरनानै मोजाखै सुबुंथि बेसेनथि

आराव जादों सुबुंथिनि बेसेन गोमानाय।

गावनि सिनायथि

गावनि आखाइयावनो

खोमानानै लादों

जुनारनि आखुजों।

जिउनि ओंथि

गावनि थार सिनायथि

जोगारनानै मुखुब जादों

असैथो आरो.....

खोमसि लामाजों आगान सुनो।

फोथाइजाथाव गोसो आरो मोखांफोर

आंखाल जाबाय समाजाव

मोखांफोर गेवा-गेवा

गोसोफोर दरसि-खोमसि

नागिरनानै मोना

अन्नायजों उंसिफावनाय थार सुबुंथि।

राजेश बर'
गामि: सान्जा हाजिरा,बाक्सा

सुबुंथिया बोरै थानानै थायो

सुबुंआ थैनायखौ गिनाने

थानानै थानो हाया,

सुबुंथिया होनबा

बोरैथो थानानै थायो ?

सैथो थिजों अनसायजानाय,

जिउ, आत्माखौ मोन्दांनो

हानाय गासैखौबो

हेव सानै, बेनि हासारजोंनोथ'

थानानै थायो सुबुंथिया।

जोंथानाय बुहुमा दुलुर

बे खोथाखौ बयबो मिथिगौ

जोंनि जिउआ जोबोद गुसुं,

समा जोबोद आधुर

बे समा अनख' नड।

सुबुंथिया बोरै थानानै थायो

आंबोथ' मिथिया,

मिथिगौ गान्दिजि, बिबेखानन्द'

बिहिभराव नेलसन आरो

आबदुलकालाम

बिथांमोनखौ दिनेसिमबो रायखाडो।

मान बावो दिनेसिमबो बिथांमोनखौ,

नाथाय बिसोरनि सोलेरा हा जाबाय

आरो बिसोरनि सुबुंथिया अराय

गोथां जारिमिनाव थागोन

रोखा रोखा रावबो खोमोरनो हायैबादि।

तुनुजा ब्रहम

गामि:- टिलापारा (दतमा)

बि ए बा सेमेस्टार

चिरां जिल्लानि दरब्रै बियाबआव इउ पि पि एलनि गेदेरथार बाइक रेलि

मोनब्रैबो बियाबनि बिजाथिफोर फारियै- मावथि ब्रह्म हाज'वारी, रन्जित बसुमतारी, रोनगोरा नार्जारी आरो निर्मल कुमार ब्रह्म मोनहा बाहागो लाफायो ।दिनैनि बे बाइक रेलिखौं काजलगवनिफ्राय जागयानानै मोनब्रैबो बियाबनि दाब दाब ओनसोलजौं हाबलांनानै निसिमा बियाबनि सिडव थानाय आमगुरिनि गेलेग्रा फोथाराव फोजोबहैयो आरो बेयावनो मोनसे गेवलां मेल खुंनायनि गेजेरजौं दिदैं बे गेदेरथार हाबाफारिखौं फोजोबहैयो । सोलायनांगीनि स्वार्थजौं दिदैंनि बे बाइक रेलि खुंनायाव आइजोफोरजौं लोगोसे ५ रोजानिबो बांसिन बाइक सालाइगिरिफोरा बाहागो लानायखौं नोजोर बोनानै चिरां जिल्लानि मोनब्रैबो बियाबआव इउ पि पि एपनि बिजाथिफोरा देरहाजोबनो हागोनखौं फोथारयथि लादों इउ पि पि एल हान्जाया □

बिश्वजित दैमारिआ बिटिसिनि सिफ जाया, बिजेपिनि राइज्यो सभानि एमपिसो जागोन

दासआ बुडोदि, हिमन्त आरो हाग्रामाआ बेफोर बादि सोदोब बाहायैआनो गाहाम । लोगोसे दासआ बुंवावोदि, बिश्वजित दैमारिआ बिटिसिनि गाहाय खुंगिरि सिफ जाया,नाथाय बिजेपि दोलोनिफ्राय पार्लियामेन्त्याव राइज्यो सभानि एमपिसो जागोन । बे खेबनि बिटिसि बिसायख'थियाव देरहानानै बिजेपि सरकार जायोब्ला बर' हारिनिफ्रायनो गाहाय खुंगिरि सिफ जागोन आरो गुबुन अबर' हारिनिफ्राय लेइइ गाहाय एबा डिपुटि सिफ जागोन होन्नानै रोखा खालामनानै होयो ।□

पृथ्विराज नारायन देब मेचनि हेंथायै कक्राझार पुलिस थानायाव इउपिपिएलनि गसर

बिजाथिखौं सोलो-बोलोजौं देरहाहोनायनि थांखि लानानै आरो भटार राइजो-रजाफोरखौं लाफानानै दासान्दि गोहो दिन्थिनारयखौबो नुनो मोन्दों । बेबादि समावनो राजखान्थिगिरिफोरनि अजद खालामलायनाय आरो बाश्रानि बान गावलायनायखौबो नुनो मोन्दों । थारैनो बिसायख'थिनि खाथि नोजोरव इउपिपिएल दोलोनिफ्राय ओंखारनांनार पृथ्विराज नारायन देब मेचआ थांनाय माखासे सानफोरव इउपिपिएल दोलोनि आफादगिरि प्रमद बर'नि हेंथायै माखासे आयदाखौं लानानै नंखाय अजद खालामदोंमोन । बेखौं लानानै दिनै खौरंगिरि मेल खुंनानै इउपिपिएल दोलोआ पृथ्विराज नारायननि हेंथायै कक्राझार पुलिस थानायाव गसर थिसन्नाय बाश्राखौं मिबंथिहोदों । गांसे रदाब बिबुंसारनि गेजेरजौं इउपिपिएल दोलोनि आफादगिरि प्रमद बर'नि हेंथायै नारायन देब मेचआ माखासे अजद लाबोदोंमोन, जेराव भटार राइजो-रजाफोरखौं गावस्वाहोनायनि सोलो बाहायनानै पृथ्विराज देब मेचआ प्रमद बर'नि हेंथायै बायदिसिना आयदाखौं बोखांनानै अजद खालामदोंमोन होन्नानै इउपिपिएल दोलोआ फिनजाथाय खालामो । बिटिसिनि ट्राइबेल बेल्ट आरो ब्लकआव थानाय आइन बेरंखायै हाबफैनाय सुबुंफोरखौं प्रमद बर'आ होखारगोन होन्नानै बुंथिनार बाश्रानि फिन्नाय होनानै बे बिथिडव सिगाडव पृथ्विराज नारायन देब मेचआ गावसो सार्थनि थाखाय गसर थिसन्दोंमोन होन्नानै इउपिपिएलआ अजद खालामो । इउपिपिएल दोलोआ दोलोनि आफादगिरि प्रमद बर'नि हेंथायै नंखाय अजद खालामनायनि दायव कक्राझार पुलिस थानायाव गसर थिसन्नायनि उनाव पृथ्विराज नारायन देब मेचआ थाबैनो बेनि सायाव फिन्नाय होनांगोन एबा आइन्नि गेजेरजौं मोगा-मोगि जानांगोनखौं रोखा नुहदों ।□

२ डिसेम्बरआव भातकुसिआव कामरुप जिल्ला एबसुनि जर'खा सांग्रांथि जथुम

फरायसालिनि लांगोनायाव मोनसे जर'खा सांग्रांथि जथुम खुंनो लानाय जादों । जथुमाव माहारिबाद, सोलेंथाइ, समाजारि आरो बि टि आर, बि के डब्लिउ ए सि गोरोबथानि दफाफोरखौं मावकुंनारयनि सायाव सावरायनाय जागोन । गाहाइ आलासि महरै मिरु एबसुनि बारग' लेइइ आफादगिरि रमिअ पि नार्जारी, लेइइ आफादगिरि जयन्त बसुमतारी आरो एन् डि एफ बिनि बारग' सुबुं फोनांजाब नेहाथारी बि. बड'साआ नुजाथिफेगोन । बेखायनो, कामरुप जिल्ला एबसुनि आफागिरि बल'राम बर'आ मेलेमजिबि, फोरोंगिरि, फरायसा, दोहोरोरामरि गौथुम आरो राइजो-रजाफोरखौं जर'खा सांग्रांथि जथुमाव नुजाथिफैनानै जाकुंसार जाहोनो थाखाय हांखायहरदों ।□

गुवाहाटी ब: थु: आफादआ फैगौं बिटिसि बिसायख'थियाव गोजोनै बाहागो लानो खावलायदों

थुनलाइ आरो हारिमु कमप्लेक्सआव गुवाहाटी जिल्ला बर' थुनलाइ आफादनि आफादगिरि लहित चन्द्र ब्रह्मनि मासि सामलायनायाव जिल्ला आफादनि मोनसे मावकुं मेलखौं खुंनार जायो । बे सावरयनायाव बिटिसि बिसायख'थिनि आयदाखौं लानानै गुवारै सावरयना आफादआ थांखि लादोंदि, फैगौं बिटिसि बिसायख'थिनि खाथि नोजोरव माखासे समाज बेरेखा हान्जाया गोजोन्नाय गैयै खालामनो नाजादों बेनि थाखायनो आफादआ सावरयनानै थांखि लानाय जादोंदि, जाहाथे फैगौं बिटिसि बिसायख'थियाव गोजोन आबुथि लाखिनानै गाव-गावनि सुबुं खुंथायनि मोन्थायखौं मावकुंनारयनि थाखाय फोसावनाय जायो । दिनै गांसे रदाब बिबुंसारनि गेजेरजौं गुवाहाटी जिल्ला बर' थुनलाइ आफादनि आफादगिरि लहित चन्द्र ब्रह्म आरो गाहाय नेहाथारि मुनिन्द्र दैमारिआ आफादनि जानानै फैगौं बिटिसि बिसायख'थिनि खाथि नोजोरव माखासे बिबान गोनॉं सुबुड ज बिसायख'थि मेलफोरव बायदिसिना बाश्रा बुंनायखौं गोजोन्नाय गैयै फोस्मायनायजौं लोगोसे बेफोरखादि बिबुंथिनिफ्राय गोजोन थासारिआव गात्रि गोहोम लाबोगोन होन्नानै आफादआ बुडे । बिसायख'थिनि मेलफोरव जैरैबादि बिबुंथि लाखिदों बेफोरबादि समाजनि हेंथा गोनॉं बिबुंथिया जोबोद दुखुनांथाव । मानोना ट्राइबेल सुबुंफोरनि रंखान्थि, फोरोंगिरि, फरायसा, दोहोरोरामरि गौथुम आरो राइजो-रजाफोरखौं बेबादि माव हाबाखौं गुवाहाटी जिल्ला बर' थुनलाइ आफादआ ट्राइबेलफोरखौं फोजोबस्नांनारयनि मोनसे गोखों फाव-फान्दायनाय होन्नानै सावरयो । बेनिखायनो बर' हारि आरो गुबुन हारिनि फासैं अरयथानि थाखाय खहा खालामनो नाजानार बेफोरखादि माव हाबानिफ्राय जानगारव थानो गुवाहाटी जिल्ला बर' थुनलाइ आफादआ दिनै गांसे रदाब बिबुंसारनि गेजेरजौं हुमखि होयो ।□

गावजों गाव दावराव दावसि जालायालासे बिसायख'थिखौं गोजोनै बारहोहरनो क: जि: ब: थु: आफादनि आर'ज

खालामनानै बिसायख'थिनि सिगां आरो बिसायख'थिनि समाव आरोबाव बिफोरबादि हिंसायारि जाथाया सोमजिबानवो हागौंखौं नोजोर होनानै कक्राझार जिल्ला बर' थुनलाइ आफादआ गांसे रदाब बिबुंसारनि गेजेरजौं बि टि सि हालामनि साफ्रोमबो राइजो-रजाफोरखौं खावलायहरदोंदि, फैवाय थानाय बि टि सि बिसायख'थियाव जाहाथे गावजों-गाव दावराव दावसि, बुलाय-सोलाय जावकुंलासिनो आयेन आरो आबु'थिखौं मानिनानै सोलिनायनि गेजेरजों गोजोनै आरो उदाडै बिसायख'थिखौं बारहोहरो आरो गाव-गावनि भटनि मोनथायखौं भट होनानै जाकुंसारहोहरो बिनि थाखाय कक्राझार जिल्ला बर' थुनलाइ आफादआ साफ्रोमबो राइजो-रजाफोरखौं खावलायहरदों । लोगोसे गासै राजखान्थि दोलो, गौथुम आफादआरिफोरनि बिजाथिफोर, मावथिफारियाफोर आरो बयबो ओनसोलनि गोजोन खौसेथिनि स्वार्थआव नालाय-खमलाय बुलाय-सोलाय हिंसा-हिंसिनिफ्राय जानगाराव थानानै गोजोनखौं लाखियो बेनि थाखायबो कक्राझार जिल्ला बर' थुनलाइ आफादआ गुरैयै खावलाय हरो ।□

फकिराग्रामाव बि पि एफनि बिसायख'थि स्टियारि कमिटिनि मावखुलि बेखेवदों

ब्लक बि पि एफनि आफादगिरि दिलदार आलि, बि पि एफ स्टियारि कमिटिनि आफादगिरि रिजाउल करिममोनजों लोगोसे गुबुन गोबां दैदेनगिरि आरो हेफाजाबगिरिफोरबो दंफायोमोन । मावखुलि बेखेवखानारयनि उनाव एम एल ए रबिराम नार्जारीआ खौरंगिरिफोरनि गेजेरजों फकिराग्राम बियाबआव बि पि एफआ हेफाजाब खालामनाय बिजाथि राजु कुमार बर्मननो भट होनानै देरहासार खालामनो थाखाय बियाबनि राइजो-रजाफोरखौं खावलायो आरो बि पि एफआ बि टि सि सरकार दाफिनोब्ला बर्मननो मावकुं सोद्रोमा बिबान होनाय जागोन आरो ओनसोलनि गोबां जौगानाय खामानि मावलगांोन होननानै खोथा होयो ।□

गुदि फरायसालिफोरा आसामाव १ जानुवारिनिफ्राय खुलिफिनसिगोन

फोरमायबावोदि, राज्योनि गेजेराव थानाय गुदि फोरोंगिरि गौथुमफोरजों गोबां खेब सावरायनायनि उनाव राज्यो सरकारआ जोबथा थांखि लादोंदि, गुदि फरायसालिफोरखौं फैगौ १ जानुवारिनिफ्राय खुलिफिननाय जासिगोन । बिथाइ फोरमायबावनाय बादिब्ला गुदि फरायसालिनि थाखो खालामनानि थाखाय थाबैनो मोनसे गोदान गाइडलाइन फोसावनाय जागोन । एरैहाय सोलेंथाय बिफाना बावैसो सिगां मोनसे बिथोनथि फोसावनाय बादिदैं फरायसालिमाफोरनि हस्टेलफोरबो जखाथिनि गेजेरजों फैगौ १५ डिसेम्बरनिफ्राय बेखेवजाफिनगोन । जोबथा बोसोर थाखोनि फरायसाफोरा गावबा-गावनि हस्टेलफोराव फैफिननो हासिगोन । बिनि थाखाय सोलेंथाय बिफाना गासै फरायसालिमाफोरनि गोरानुं आरो फरायसालिमा खुंथायफोरनिंसिम हस्टेलफोरखौं साखोन-सिखोन खालामफिननो आरो थियारि खालामनो थाखाय बिथोनलाइ हरखांबाय ।□

बाक्सानि सुबनखाटायार बिश्वजित दैमारी

बेखायनो आं गावनो बि पि एफ हान्जाखौं नागरानानै बि जे पि हान्जायाव हाबहैनो गोनॉं जाबाय । बे बाराव बि टि सिआव थि सि डि सि थानाय नंला । बेयाव पन्सायतनि राहा जागोन आरो बिसायख'थि खुंनार जागोन । दिनै माखासे आफादफोर हाग्रामानि रां लानानै हाग्रामाखौं फिन सरकारआव फजफिननो नाजादों । जि हान्जायाव थानानै राइजोनि जेबो खामानि मावनो हाया बे बादि हान्जायाव थानानै मा मुलाम्फा । बाक्सानि सुबनखाटायार बागानपारा बियाबनि बि जे पिनि बिजाथि आरति हरदलेनि जानानै बिसायख'थि फोसावदिंनो फैनानै बे बाश्राखौं बुडे राज्यो सभानि बारग' एम पि बिश्वजित दैमारीआ ।□

सालबारि बियाबआव इउपिपिएल दोलोनि बिसायख'थि फोसावदिं मेल

हेफाजाबगिरिफोरखौं लानानै सनपुलि, रुफापुलि, गाति, मायुंपार, उजान बाहवारि, बोरडबारि, अन्थायबारि, नरसिंबारि, भाहबारि बायदि ओन्सोलाव भटार राइजो-रजाफोरनि गेजेराव गोख्रोडै फोसावदिडे । नरसिंबारिआव दोलोनि मोनसे बिसायख'थि मावख' बेखेवना होनायजौं लोगोसे मायुंपारा, अन्थायबारि, मायुंपारा कलनी, बोरडबारिआव खुंनार बिसायख'थि मेलफोरव बिजाथिआ बिबुंथि लाखिनानै बिपिएफ, जिएसपि दोलोजौं लोगोसे थानाय ५ बोसोरनि थाखाय सालबारि बियाबखौं दैदेन्नाय अबर' आफादनि एमसिएलए चक्रधर दासखौं गोखों रावजों सावरयो । मायुंपारा कलनीआव खुंनार बिसायख'थि मेलआव बिजाथि बिनद मोसाहारिआ बुडोदि, बर'-अबर'नि बाश्रा बुंनानै राजखान्थि खालामनाय सालबारि बियाबआव थांनार समाव एमसिएलए चक्रधर दासआ बर' राइजो-रजाफोरनि सायाव नोजोर लाखिनायनि अनगार्यैबो अबर' राइजो-रजाफोरखौं जौगाखांहोनार्यनि फासैं जेबो खामानि मावनानै दिन्थिनो हायाखै । एमसिएलए जानानै थानाय समाव बियाबआव गोग्लैसोनार जेंनाफोरखौं समाधान खालामनायनि थाखाय एबा जौगानारयि थाखाय बिटिसि सरकार आरो आसाम सरकारनिफ्राय गोसैबो गोसोखंलाइ एबा लाइजाम गथायाखै होन्नानै अजद खालामो । बे खेबनि बिसायख'थियाव नब' कुमार सरनिया दैदेन्नाय जिएसपि दोलोनि बिजाथि महरै सालबारि बियाबआव गसंफिन्नाय चक्रधर दासआ राइजो-रजानि सॉनारयनि फिनखौं होनो हायैआव बिथांखौं बोखारनाया एबा फेजेन्नाया रोखा जादों होन्नानै बुडे । इउपिपिएल दोलोनि समाज सिबिनाय मोनफ्रोमखौंबो थुलुंगाफखानै आरो मोजां मोन्नानै मोनफ्रोमबो हारि-हारिसानि सुबुंफोर बोजबनानै लानायाव इउपिपिएल दोलोनि जानानै आंनि देरहानाया रोखा जाबाय होन्नानै दाबि खालामो । मख'नो गोनार्दि, मायुंपारा कलनीआव खुंनार मेलआव लाइमोन बिपिएफनि बाहबारि गुदि आफादनि गाहाय नेहाथारि याकुब आली आरो बिपिएफनि मावफारि फुजा बर्मनजों लोगोसे सा ४४ हौवा-हिन्जावफोरा इउपिपिएल दोलोआ हाबो । कुतरिझारआव खुंनार बिसायख'थि मेलआव समाज सिबियारि बिजुली बर', लकिधर बसुमतारि, अबर' आफादनि माखासे मावफारियाफोरबो इउपिपिएल दोलोआव हाबफैयो । दोलोआव हाबफैनाय साफ्रोमबो गोदान सोद्रोमाफोरखौं बिजाथि बिनद मोसाहारिआ बरयनाय जायो । दिनैनि सानआव खुंनार माखासे दोलोनि फोसावदिंनारय मेलफोरव दोलोनि गोबां मिरु दैदेनगिरिफोरबो बाहागो लादोंमोन ।□

बि टि सि बिसायख'थिखौं लानानै गावजों-गाव दावराव-दावसि

देबरगाव बियाबनि सिडव थानाय सिमबरगावनि साखाथि थालितबारियाव इउ पि पि एल दोलोनि सोद्रोमाफोरखौं गाग्लोबनाय जाथाया महर मोनदों । सुलुंनिफ्राय मिथिनो मोननाय बादिब्ला, बि पि एफनि सोद्रोमाफोरनि गाग्लोबनायाव खमदेंबो सा १२ इउ पि पि एलनि सोद्रोमाफोरा गोझाव जखम मोनदों । जायनि थाखाय बिसोरखौं कक्राझारनि आर एन बि सिभिल देहा फाहामसालि आरो जायगानि देहा फाहामसालियाव हरखाबै थिसनहैनो गोनॉं जादोंमोन । जखम जानायफोरनि गेजेराव सानैनि देहा हालोदआ जोबोर गात्रि होननानै मिथिनो मोननाय जादों । बे जाथाय सोमजिनारयखौं लानानै कक्राझार पुलिस थानायाव मोनसे गसर थिसननाय हिसाबै कक्राझार पुलिसआ जाथायाव लोब्बा थानाय सा ६ दार्यनिगिरिफोरखौं हमनो हाबाय । कक्राझारनि एस पि राकेश रसनआ दिनै फोरमायनाय बादिब्ला पुलिसआ बे जाथारयनि सायाव संदाननायखौं जागारबाय । बेराफारसे बे जाथाय सोमजिनारयखौं लानानै देबरगाव बियाबनि इउ पि पि एलनि बिजाथि बुदधदेब मुसाहारीआ जाथारयनि सायाव गोथौवै दुखु मोननाय फोरमायो आरो बेबादि हिं सायारि जाथाय सोमजिहोनारयनिफ्राय जानगाराव थानो थाखाय बयखौबो खावलायो । बिथाइ अजद होबावनाय बादिब्ला बि टि सि बिसायख'थियाव गात्रियै जेन्खासिगोनखौं हमदं हानानै बि पि एफ दोलोनि सोद्रोमाफोरा इउ पि पि एलनि सोद्रोमाफोरखौं बेरोखीम गाग्लोबनानै भट मोननो थाखाय हुमखि होदों । बे जाथारयनि सायाव संदाननायनि गेजेरजों लोब्बा थानाय दार्यनिगिरिफोरखौं आयेननि गोखों साजा होनो खुंथायनिंसिम दाबि खालामो बिजाथि बुदधदेब मुसाहारीआ ।□

राइज्यो सरकारा खुंनारय भिम्बर देउरि सानआव बाहागो लादों गिबि मन्थि सनवालआ

बिहोमा होलांदों । बेनिखायनो सासे सुबुं दैदेनगिरि आरो आबुं सोलेंथायजों फैनाय दैदेनगिरिनि आदर्शजों इयुन जोलै लाइमोनफोरा सोलेंथाय लानायाव गोखों नाजाथाबनानै हारि सिबिनायाव गोनांथार बिफाव लानो हागोन । दिनै राइज्यो सरकारनि हारिमु सामलाय मावख'नि बान्जानायाव आरो लखिमपुर जिल्ला खुंथाय, देवरि गावकुंथाय गौथुम आरो दुलारय आसाम देवरि फरायसा आफादनि हेफाजाबआव सुबुं दैदेनगिरि भिमबर देवरनि ७३ थि थैनाय सानजों लोब्बा लाखिनानै लखिमपुर जिल्लानि नारायनपुर गोजौं फरायसालिनि गेलेग्रा फोथाराव खुंनार भिमबर देवरि सानआव गाहाय आलासि महरै बाहागो लानानै गावनि बिबुंथियाव गिबि मन्थि सर्बानन्द सनवालआ बेबादि बाश्राखौं बुंथियो । सोलेंथायनि अनगार्यै मोनसे हारिआ मार्लाबाबो गोख्रोडै खर' दैखानो हाया होन्नानै रायखाना सुबुं दैदेनगिरि भिमबर देवरिआ थानानै थानाय समाव गुबुन गुबुन जेंनानि गेजेरजौंबो सोलेंथाय बिथिडव दावागालांनो हादोंब्ला आथिखालनि फरायसुला-फरायसुलिफोरा बे रोखोमें मानो सौंसिलानो हाया होन्नानै गिबि मन्थिआ बुडे । गावनि बिबुंथिनि सिगाडव गिबि मन्थिआ आथिखालनि राइज्यो सरकारआ रावबो गोरिब नख'रनि फरायसुला-फरायसुलिफोरा जाहाथे धोननि ओंखालाव सोलेंथायनिफ्राय थालानो मोना बेनि थाखाय बेसेननाडै मुं थिसन्नाय, बेसेननाडै बिजाब मोन्नाय, बेसेननाडै इउनिफर्म होनाय, सोलेंथायारि जानाय आदार, गोजौं सोलेंथायनि थाखाय होनाय लरनि बिथिडव खेबसेयै ५० रोजा रं मददखौं होनो हानाय गोनांथार राहाफोर आजावना लादों होन्नानै मिबंथिहोयो । एसेबां खाबु थानारयनि गेजेरावबो दिनैनि इयुन जोलै लाइमोन एबा फरायसाफोर जुदि सोलेंथायनि फासैं बांसिन गोसो होयाब्ला, अब्ला भिमबर देवरनि थांखि आरो सिमाड जाकुंसारनाय नड होनानैबो बिथाड गावनि बिबुंथियाव रायखाडे । महापुरुष माधवदेबनि गोथार हा नारायनपुरआव खुंनार भिमबर देवरि सानआव सोलेंथायनि गेजेरजों हारिखौं गोख्रोडै लांनारयनि थांखि लानो गिबि मन्थिआ फरायसाफोरजों लोगोसे फोरोंगिरि आरो बिमा-बिफा दिथागिरिफोरखौबो फोसावदों । राइज्योनि फरायसाफोरा जाहाथे मोनफ्रोमबो बिथिडवनो गोजौं सोलेंथायखौं आसामावनो लानो हानो बेनि थाखाय आथिखालनि बिजेपि दैदेन्नाय सरकारआ थांनार ४ खावसे बोसोरनि समाव माखासे गोदान देहा फाहामथाय फरायसालिमा, इन्जिनियार फरायसालिमा लुफुंनारयनि रहा लानाय, रं ३२ पलिटैक्नक, गोबां अन्जिमानि जौंगालु मिरु, माधवदेब मुलुग सोलेंसालि, भत्तदेब मुलुग सोलेंसालि, अनिरुद्ध गेलेमु मुलुग सोलेंसालि, माजुलि हारिमु मुलुग सोलेंसालि, कुमार बस्कर बर्मा हारिमु मुलुग सोलेंसालि, दुलारय भारतीय आयुर बिगियान फसंथान, गगामुखआव भारतनि आबाद नार्यबिजिरसंग्र।मिरु, जरहातआव नेसेनल इनस्टिटउट अफ डिजाइन फसंथान बायदि रायखंजाथावना गोजौं सोलेंथायनि फसंथानफोरखौं आबुडै महर होनार्यनि रहा लादों होन्नानै गिबि मन्थिआ मिबथि होयो । २१ जौंखोन्दो बिगियान आरो आदोबनि बे बादायलायनाय मुगार्याव सुबुंनि बेसेनथिखौं नोजोर होनानै समाजखौं गोखों खालामनायनि थाखाय मोनफ्रोमबो माव बिथिडवनो मोनसे गोगो खामानि मावनारय हारिमुखौं सिगां फासैं लानो थाखायबो गिबि मन्थिआ फोसावो । बेनि आयदायाव बिथाड बुडोदि, नाजाथाबनारयनि गेजेरजोंसो सोलायनाया जाथावना । आथिखालनि राइज्यो सरकारआ राइज्योनि मोनफ्रोमबो हारि-हारिसानि गेदेमा सानसुमैफोरनि गोसोखांथियाव थांनार २०१६ माइथारयनिफ्रायनो खुंथायाव थानानै गोबां नाजाथाबनारयजों खामानि मावगासिनो होन्नानै बुंवावो । बे रोखोमनि नाजानारयजों गोरोबनाय सुबुं दैदेनगिरि भिमबर देवरनि मुडव सदियाआव ११० बिघा हाखौं सायख'नानै मोनसे गोसोखांथि कमप्लेक्स लुफुंनारयनि फासैं राइज्यो सरकारआ रहा लादों होन्नानैबो बुडे । गिबि मन्थिआ देवरि हारिनि साफ्रोमबो सुबुं आरो दोलो आफादफोरखौं बे गोसोखांथि फसंथान लुफुंनार बिथिडव मदद आरो हेफाजाब होनो थाखायबो फोसावो । गिबि मन्थिआ भिमबर देवरनि मावबोनाय एबा बिहोमा होबोनाय जिजनि बेसेनथि आरो सोलेंथाय लाबोनारयनि सायावबो गोनांथारै बाश्रा बुंथियो । उननि समाव भिमबर देवरि सानजों लोगोसे लोब्बा लाखिनानै बिनि जिउ जारिमिन आरो बिहोमानि सायाव मोनसे रन्साइ एबा संगंवा बयदि बादायलायनाय हाबाफारि खुंनारयनि सायावबो गिबि मन्थिआ गोनांथारै नोजोर होयो । हाबाफारिनि सिगां गिबि मन्थि सनवालआ सुबुं दैदेनगिरि भिमबर देवरिनि सावगारिआव बिबार माला गानहोनानै मान बाउयो । बे हाबाफारिआवनो बिबुंथि लाखिनानै हारिमु बिफाननि मन्थि नब कुमार दलेआ बुडोदि, सुबुं दैदेनगिरि भिमबर देवरिआ सासे थार गोसोनि सुबुं दैदेनगिरि जानारयजों लोगोसे सरयसन्खा सुबुंफोरनि अन्सायनारयजों गेदेर असमीया समाज दानारयनि बिथिडव रायखंजाथावना बिहोमा होलानो हादों । आथिखालनि सरकारआ थांनार २०१६ माइथारयनिफ्रायनो मोनफ्रोमबो हारि-हारिसानि गेदेमा सुबुंफोरखौं गोसोखांथिनानै राइज्यो सरकारआ हाबाफारि खुंबोदों । दिनैनि बे हाबाफारिआव बिबुंथि लाखिनानै तेजपुर लकसभा बियाबनि एमपि पल्लव लचन दासआ बुडोदि, हारि लुफुंनारयनि बिहोमा होलानारयखौं मान सन्मान होनारयजों लोगोसे बिसोरबादि रायखंजाथावना सुबुंफोरनि सुवुरुन होलानारयखौं आथिखालनि राइज्यो सरकारआ गेबें लामाजों खुंथायखौं सामलायदों । भिमबर देवरिखौं राइज्योनि गुबुन सासे गेदेमा सुबुं दैदेनगिरि होन्नानै दासआ बुडे । बिहपुरिया बिधान सभा बियाबनि एमएलए देबानन्द हाजरिकायाबो बे हाबाफारिआव बिबुंथि लाखिदोंमोन । ओन्सोलनि गोबां मानिजाथाव सुबुंफोरजों लोगोसे लखिमपुर जिल्ला खुंगिरि, माधवदेब मुलुग सोलेंसालिनि भाइच सेन्चेलर, देवरि गावकुंथाय गौथुमनि गाहाय मावकुं सोद्रोमा बिष्णु देवरि, देवरि फरायसा आफादनि आफादगिरि आरो माखासे गागि समाज सिबियारिफोरबो दिनैनि हाबाफारिआव बाहागो लादोंमोन ।□

गिबि मन्थि सनवालआ दै जगायथाय बिथांखि बेखावदों

राज्यो सरकारआ खोथा होखानाय बादि्यै नोगोरनि गासै नखरफोरार गोग्गो लोंग्रा दै सहैहोनारयनि थाखाय बिथांखिफोरखौं मावकुंनो लादों । कभिड -१९ नि जाहोनाव बे बिथांखिखौं मावकुंनारयाव दिनबाव जादों । गिबि खोलोब हिसाबै दिने बे दै जगार बिथांखिखौं बेखेवनाय जाबाय आरो नैथि खोलोबनि बिथांखिखौं थाबैनो आबुडै मावकुंनारय जागोन होननानै गिबि मन्थि सन'वालआ खोथा होबावो । दिनैनि हे हाबाफारियाव गिबि मन्थिजों लोगोसे गुवाहाटीनि एम पि कुइन् अझा, जि एम डि ए नि मासिगिरि अशक शिंघाल, सोनाब गुवाहाटीनि एम एल ए रमेन्द्र नारायन कलिता, उफ्रा सिफ सेक्रेटारी मनिन्द्र सिं मोनहाबो बाहागो लादोंमोन ।□

फैगौं ५ डिसेम्बरआव बर' थुनलाइ आफादनि बारग' आफादगिरि ब्रजेन्द्र कुमार ब्रह्मनि

खन्थाय सान फालिनोबो थि खालामनाय जादों । बेनिखायनो बे हाबाफारियाव बाहागो लाफेनानै हाबाफारिखौं मेहेरगोनाडै जाकुंसार होफेनो थाखाय मिरु बर' थुनलाइ आफाद आरो कक्राझार जिल्ला बर' थुनलाइ आफादआ जुथायै गासैबो बर' राइजो-रजाफोरखौं बाहागो लाफेनो थाखाय गुरैयै खावलायहरदों । हाबाफारि बादि्यै ५ डिसेम्बरखालि फुंनि ७ रिंगार्याव कक्राझार जिल्लानि सिडव थानाय दतमा लडबाडिं(सालानि बाथाबारि)आव रंसारि ब्रजेन्द्र कुमार ब्रह्मनि मांखरसालियाव बिबार बाउगोन । फुंनि गु रिंगार्याव कक्राझार सहरनि रुपनाथ ब्रह्म गोसोखां नमार्याव बर' थुनलाइ आफादनि फिरफिला बिरहोगोन आरो रंसारिनि सावमुआव बिबार बाउगोन । बेनि उनाव फुंबिलि १० रिंगार्याव कक्राझार सहरनि रुपनाथ ब्रह्म गोसोखां नमार्याव खन्थाय सान फालिनाय जागोन ।□

तिवा गावकुंथाय गौथुमनि बिसायख'थिनि थाखाय जनबिल बियाबनिफ्राय बिजेपि दोलोनि फोसावदिंनार हाबाफारिआ

फोसावदिंनार हाबाफारिफोर । मख'नो गोनार्दि, मोन ३६ परिषद बियाबनि गेजेराव ११ नं जनबिल बियाबआवबो बिजेपि दोलोनिफ्राय बिनिता दैमारिआ बिजाथि महरै गसंदों । गासै ७,३०० भटयर्सफोर थानाय बियाबआव बे खेबआव कंग्रेस दोलोनिफ्राय दिपाली बर', जातिय ऐक्य मन्सनिफ्राय सिदाम देवरिआ बिजाथि महरै गसंदों । फासैंथिं बे बियाबआव थांनार मावबिबान समाव बियाबनि जौगानाय बिथिडव जर'खायै बिफाव लानाय बिजेपिनि सायख'जानाय बिजाथि बिनिता दैमारिआ दासान्दि बियाबनि सिडव थानाय राइजो-रजाफोरखौं गोसो थुलुंगाखां होनो हानायाव जाकुंसारदों । बेजों लोगोसे मोन ३६ बियाबनिफ्राय बे खेबनि परिषद बिसायख'थियाव फसंनारय बिजाथिफोर मिजिंथिजानाय बादि मासिखौं देरहानो हानानै सरकार दानायाव जाकुंसारगोन होन्नानै दाबि खालामो बिजाथि बिनिता दैमारिआ । थांनार समफोरव परिषदआव नुजांथिनारय गोबां गेनाखान्थि, धोन लुथिनारयनि सोमोन्दे खौरंगिरिनि मोगा-मोगि सोंथि खालामनारयनि फिन्नायाव बिनिता दैमारिआ बुडोदि, बे खेबनि परिषद बिसायख'थियाव गेनाखान्थिनि हेंथायै राइजो-रजाफोर बिजेपि दोलोजौं फैनानै गौथुमखौं दखल खालामनो हागोन । दासान्दि गावनि फोसावदिंनारयखौं बिजाथिया गोखै सोलिहोबाय थादों होन्नानै खौरंगिरिनि सिगाडव बुंथियो ।□

ऋचा चडहानि उनाव पायेल घषआ भारत रत्न ड० आम्बेडकार बान्शा मोन्नो हादों

गोदान दिल्ली, 30 नभेम्बर : बलिउड फावखुंगि ऋचा चडहानि उनाव फावखुंगि पायेल घषनो भारत रत्न ड० आम्बेडकार एवार्डजों मान होबाय। बे खौरांखौ फावखुंगिया टुइटरनि गेजेरजों होदों। पायेलआ गावनि टुइटरआव एवार्डनि मोनसे सावगारिबो सेयार खालामनानै लोगोसे लिरदों- बे भारत रत्न ड० आम्बेडकार एवार्डखौ मोन्नानै बियो जोबोद गोजोनय मोन्दों। बियो 26 नभेम्बरनि सेरेमनिआव बाहागो लानो हायाखै मोन। गोखोडे नाजायोब्ला गोलाव लामाखौबो मोनहँनो हायो आरो मोगथाडव हास्थायदों सुबुंफोरा



बेखौ आजावगोन। बेबायदि समआ गावनो अन्नाय फोरमायो। बेनि सिगां बलिउड फावखुंगि ऋचा चडहाखौ बे

एवार्डखौ लानानै मोनसे बिबुंथि फोसावनानै बुंदोंमोनदि, बियो गावनि थाखाय जोबोद गिदिर मान। बेखौ मोन्नानै गाव जोबोद गोजोनय मोन्दों होन्नानै बुडे। पायेल घषनि सोमोन्दै बाशा बुडेब्ला बियो सासे मोजां फावखुंगि। नाथाय बावसैसो सिगां बियो राजखान्थियावबो आगान होबाय। पायेलआ रामदास अठावलेनि पार्टि रिपालब्लिकान पार्टि अफ इन्डिया (ए) आव जयेन जाबाय। पार्टिआव जयेन जानाय पायेलनि माखासे सावगारिफोरखौ नुनो मोन्दोंमोन, जेराव बिखौ रामदासजों लोगोसे पलिटिक्सआव

ओंखारनाय नुनो मोन्दोंमोन। बेनि अनगायै गोलाव समनिफ्राय फावखुंगिआ डाइरेक्टर अनुराग कश्यपनि सायाव दाय जाबसिन्नायखौ लानानैबो खौराडव नुजाबाय थादों। फावखुंगिया दाय जाबसिन्दाँदि, 2013 आव अनुरागआ न'आव लेंहरनानै गावखौ जिनाहारि खालामदोंमोन। फावखुंगिआ बसंबा पुलिस स्टेसनआव डाइरेक्टरनि हें थायै केसबो थिसनखांबाय। आधिखालाव अनुरागआ फावखुंगिनि गसिबो दाय जाबसिन्नायखौ नेवसिगरदों आरो पुलिसनि सिगाडाव खनसे नुजाखांबाय।

सानि लिय 'नीनि बे हट एन्ड ग्लेमरस सावगारिया बयजोंबो अन्साय जादों



गोदान दिल्ली, 30 नभेम्बर: बलीउडनि फावखुंगि सानि लिय 'नीआ सशेल मिडियाआव सम-सम गावनि सावगारिफोरखौ शेयार खालामबाय थायो। बे खेवयाव सानीखौ गोजा गाबनि ड्रेसआव जोबोद हट नुनो मोन्दों। सानि लिय 'नीआ आरोबाव खनसे गावनि हट एन्ड बल्ड आखुजों फेन्सफोरनो रंजानाय होदों। फावखुंगि सानि लिय 'नीआ गोजा गाबनि ड्रेसआव गावनि सावगारिफोरखौ शेयार खालामनानै फेन्सफोरखौ जावलिआ खालामदों। सानिखौ गोजा गाबनि ड्रेसआव जोबोद समायनासिन नुदों। सानि लिय 'नीनि बे सावगारिखौ गोबां लाइक आरो शेयार खालामदों। फेन्सफोरग बिनि बे हट आखुखौ मोजां मोनसोगारो। सानि लिय 'नीआ इन्स्टाग्रामआव गावनि बल्ड सावगारिफोरखौबो आपलड खालामबाय थायो। फेन्सफोरगबो बिनि समायना महरखौ बाज्यावबाय थायो। बलीउडआव सानिआ गोबां सावथुनफोर आरो आइटेम नुथायफोरग फाव खालामबाय। सानिआ सशेल मिडियाआव गोबां मुंदाखा, बिखौ बिनि लुक्स आरो ड्रेसिं सेन्सनि थाखायबो मिबथियो।

अस्कार एवार्डनि थाखाय भारतनिफ्रायबो नमिनेट जादों



गोदान दिल्ली, 30 नभेम्बर : फरेन लेंगुवेज केटेगरिआव मालयालम सावथुन जल्लीकट्टुनि उनाव लाइभ एक्सन सुंद' सावथुन केटेगरिआव सयानि गुप्ता, हुसेन दलाल आरो ऋषभ कापुरनि सावथुन शेमलेसखौ दाबि देखानानै दैथायहरदों। रिपर्टनि बायदिब्ला कोट गम्सनि लिरनाय शेमलेसखौ आधिखालाव 93 थि एकाडेमि एवार्डआव जुरीनि गोसोखौ देरहानो नाजानायव नुनो मोनगोन। फासँथि बिद्या बालननि सावथुन नटखटनि डाइरेक्टर शान व्यासनि बायदिब्ला, बियो दासिमबो बादायलायनायाव दड'आरो अस्कारआव थांनो गोनां सावथुनफोरखौ फेब्रुवारी2021 आव फोसावनाय जागोन। शेमलेसखौ एसले गम्सआ प्रडाक्टशन खालामदों। बेवहाय कोट गम्स आरो भिएफएक्स आर्टिस्ट सन्दीप कमलजों लोगोसे रसुल पकुट्टीनि हेफाजाबो मोन्दों। 15 मिनिटनि बे कमेडि थ्रिलारनि सल'आ फिज्जा डिलेभारि गार्ल आरो वार्क प्रम हम खालामग्रा प्रफेशनेलनि सायाव थांनिनाय।

राहुल रयखौ नानाबती देहा फाहामसालिनि आइसिडउआव थिसन्दों

गोदान दिल्ली, 30 नभेम्बर : 1990 नि मिडजिकेल हिट 'आशिकी'नि फावखुंगुर राहुल रयखौ ब्रेन स्ट्रुकिनि थाखाय मुम्बाइनि नानाबती देहा फाहामसालिआव थिसनबाय। बैसो 52 बोसोरनि राहुलआ 'कार्गिल'नि गलवान भेलिआव सावथुन 'एलएसी'नि सुटिं खालामदोंमोन। बे समावनो बियो ब्रेन स्ट्रुक जायो, बेनि उनाव बिथांखौ गोखौनो श्रीनगरनि देहा फाहामसालिआव थिसनो गोनां जायो आरो उनाव टीमआ बिखौ मुम्बाइआव लाबोनानै नानाबती देहा फाहामसालिआव थिसनफैयो आरो बिथांखौ आइसिडउआव थिसननाय जायो। राहुलजों लोगोसे 'एलएसी'नि सुटिंआव बाहागो लाफनाय फावखुंगुर निशान सिं मलकानीआ फोरमायदों, माखासे सान सिगां सुटिंनि समाव माखासे टीम मेम्बरफोरा बिनि मोजाडे बुंनो हायैखौ हमदांथिदों। बिथांनि थासारिखौ गोब्राब नुनानै टीम मेम्बरफोरा बिथांखौ नै सान सिगां मिलिटारि



देहा फाहामसालियाव लानानै थाडो आरो बेवहाय फोरमायदोंदि, बिथांनियव ब्रेन स्ट्रुक जादोंमोन। मख 'नो गोनांदि, राहुलआ 1990 आव रिजिज जानाय सावथुन 'आशिकी'जों बलिउडआव आगान होजेदोंमोन जेराव अनु अग्रवालआवो गाहाय फाव खालामदोंमोन। बेनि उनाव बियो 'जुनुन' (1992), फिर तेरी काहानी याद आइ (1993), नसीब (1997), एलान (2011) आरो केबरे (2019) बायदि सावथुनफोराव फाव खालामदोंमोन। बियो बिग बसनि गिबि सिजन (2007) नि उइनारबो जादोंमोन।

पबित्रा पुनियानि बिग बस 14 आव दावबायनाया जोबफैबाय

गोदान दिल्ली, 30 नभेम्बर : बिग बस 14 निफ्राय रबिबार (29 नभेम्बर) आव आरोबाव सासे बादायारिनि दावबायनाया जोब्याय। सरासन्ना सुबुंफोरनि एसेल' भट मोन्नानै जाहोनाव टिभि फावखुंगि पबित्रा पुनियाआ बिग बसनि न'निफ्राय बाइजोआव थांनबाय। बेजों लोगोसे पबित्रायानो गिबि बादायारि जादों, जाय बिग बसनि फाइनाल रेसनिफ्राय बाइजोआव थांनबाय। पबित्रानि थांनोनखौ रबिबारआव सलमान खाननि अनगायै बिग बसआ गावनो फोसावदोंमोन। पबित्रा पुनियाखौ थांनय सप्ताहयाव नुनो मोनाखैमोन। बेनि जाहोनानो जादों न'नि सुबुंफोरा। पबित्राखौ बोराबदोंमोन। निक्की तम्बलीआ 'वीकेन्डनि वार'आव फोरमायदोंदि, पबित्राजों नख'रनि साफ्रोमबो सुबुंफोरा रायज्यायाखैमोन। बे जाहोनि थाखायनो बियो न'आव हारसिडे'थाबाय थादोंमोन आरो




सिरि थादोंमोन। बेनि जाहोनावनो बिखौ थांनय सप्ताहयाव स्क्रीनआव नुनो मोनाखैमोन। जानो हागौ बे जाहोनि थाखायनो बियो सरासन्ना सुबुंफोरनिफ्राय एसेल' भट मोन्दोंमोन आरो बिग बसनि न'निफ्राय बाइजो जानादोंमोन। एजाज खाननि अनगायै पबित्रा थांनयाव साफ्रोमबो न'नि सुबुंफोरा जेबो रियेक्सन होयाखैमोन। पबित्रानि थांनयाव एजाजखौ दुखु जानाय नुनो मोन्दोंमोन। बिसोर सानैया गोबाव समसिम जयै थादोंमोन आरो पबित्राआ जेब्ला गेटनिफ्राय बाइजोआव ओंखारलाडो अब्ला एजाजआ बिनि खावलायाव किस खालामहरदोंमोन। मख 'नो गोनांदि, बिग बसनि फाइनालआ जानुवारनि अनगायै फेगौ सप्ताहयाव जसिगोन। सलमानआ बे वीकेन्डनि वारआव बादायारिफोरनो ओरैबायदि गोमोथाव खौरां होदोंदि, बिग बसनि फाइनालआ फेगौ सप्ताहयाव जागोन आरो फाइनालसिम सा 4 बादायारिफोराल' सौहैगोन।

गाहाम देहानि राहा

फाइभारजों बुंफबनाय मुवा-बेसादफोरखौ डाइटाव लाफायोब्ला लिरथाया बाइडु जागोन

गोदान मुगायाव लिरथाइ बारायनाया सुबुंनि मोनसे गिदिर जेंना। बे बेमारनि माखासे जाहोनाया गात्रि रूटिनि, गोरोन्थि जानाय-लौनाय। बेनि थाखाय डाइटा आरो वार्कआउटाव जरखायै नोजोर होनायनि गोनां थार। जर 'खाफोरनि गनायनाय बाइदिब्ला, लिरथाइ बारायनायखौ कन्ट्रल खालामनो थाखाय के लिरिन्खौ चार्न खालामनो गोनां जायो। लोगोसे डाइटाआव फाइबार गोनां मुवा-बेसादफोरखौ जानायजों गुफुं देहाखौ कन्ट्रल खालामनो हागौ। जुदि नोंथाडबो गुफुं देहानि जेंना जादोंब्ला आरो बेनिफ्राय बारा'नो लुबैदोंब्ला, गावनि डाइटयाव फाइबार गोनां मुवा-बेसादफोरखौ नाजावनानै लाफा नांगोन। बिदिब्ला फे बबे मुवा-बेसादफोराव फाइबारखौ बांसिनै मोनो बेनि सोमोन्दै सावरायनि :-



(1) आलमन्डखौ पिस खालामनानै जायोब्ला गुफुं देहाखौ बाइडु खालामनायाव जोबोद मदत मोनो। डाक्टरफोरा जेब्लाबो गुफुं सुबुंफोरखौ अटमील जानायनि

बोसोन होयो। बेजों देहानि मेजेमआ आवलियो आरो बेयो उखेंनायखौ बाडाइ खालामनायावबो मदत खालामो। (2) ब्लेकबेरी, ब्लुबेरी, ब्रकली, क्रेनबेरी, सुमफ्राम, आपेल बायदि फिथाइ आरो मै गं - थाइ गं फोर खौ सानफ्रोमबो जानांगौ। बेखौ जानायजों दोगोन तन्त्रआ गोखों जायो। मानोना मोजां फिथाइ-सामथाइ आरो मैग-थाइगंफोराव धुलशीलन आरो अघुलनशील मोनैबो थायो। बेखौ जायोब्ला बारा उखैया, जायजों गुफुं देहायाव मोजां मोनो। बेजों लोगोसे नोंथाड सानफ्रोमबो वार्क आउट खालाम।

मैखुनआ गुफुं देहाखौ फिसा खालामनायजों लोगोसे इमिउनिटिखौबो गोखों खालामो



गोदान दिल्ली, 30 नभेम्बर: सुबुं देहाखौ देरहोनो-लावहोनो हानायनि गुणफोरखौ बुंफबनाय मैखुनखौ गोबां गुणफोरनि धोन महरै गनायना लानाय जायो। मैखुनाव केलरी आरो मेजेमनि बिबाडा बाडायै थानायनि जाहोनाव लिरथायखौ कन्ट्रलाव लाखिनायाव मुलाम्फा गोनां खालामो। बेयाव मोनग्रा प्रटिन आरो देरहोना-लावहोना गुणआ उदैखौ जेब्लाबो उखैहोयो। जायजों सुबुंडा गोबां जानायनिफ्राय रैखा मोनो। प्रटिन, भिटांमिन सि, भिटांमिन वि, भिटांमिन डि, कफार, पटेशियाम, फस्परस, सेलिनियाम, फाइकेमिकेल्स आरो एन्टीअक्सिडेन्ट बायदि देरहोना-लावहोना गुणखौ मोन्नाय जायो, जाय फस्तीसेकेराइडआ प्रिबायटिक्स महरै हावा मावो, जाय उदैन जेंनाफोरखौ जानगार

लाखिनायाव मदत खालामनो हागौ। बिदिब्ला फे मैखुन जानानै मोन्नाय मुलाम्फानि सोमोन्दै मिथिनानै लानि- 1. मैखुनाव केलरी आरो मेजेमनि बिबाडा बाडायै थानायनि जाहोनाव लिरथायखौ कन्ट्रलाव लाखिनायाव मुलाम्फा गोनां खालामो। बेयाव मोनग्रा प्रटिन आरो देरहोना-लावहोना गुणआ उदैखौ जेब्लाबो उखैहोयो। जायजों सुबुंडा गोबां जानायनिफ्राय रैखा मोनो। प्रटिन, भिटांमिन सि, भिटांमिन वि, भिटांमिन डि, कफार, पटेशियाम, फस्परस, सेलिनियाम, फाइकेमिकेल्स आरो एन्टीअक्सिडेन्ट बायदि देरहोना-लावहोना गुणखौ मोन्नाय जायो, जाय फस्तीसेकेराइडआ प्रिबायटिक्स महरै हावा मावो, जाय उदैन जेंनाफोरखौ जानगार

खालामनायाव मदत खालामो। 3. मैखुनाव थानाय भिटांमिन डि, केलिशियाम, पटेशियाम आरो फस्परसआ बेगंफोरखौ गोखों खालामनायाव खामानि होयो। 4. बिखांनि बेमारफोरनि थाखायबो मैखुन जानाया जोबोद मुलाम्फा गोनां। बेयाव केलरी आरो मेजेम थायैनि जाहोनाव बिखांनि ख'हा खालामनाया खैफोदनिफ्राय रैखा खालामनायाव मदत खालामो। 5. मैखुनाव मोनग्रा एन्टीअक्सिडेन्ट आरो फाइटेकेमिकेल्स आरो एन्टीबैक्टीरियल आरो एन्टीफंगल बानायो, जाय सुबुंखौ मौसुमी बोथोरव इन्फेक्शन जानायनिफ्राय रैखा खालामो आरो इमिउनिटिखौ गोखों खालामनायावबो मदत खालामो। 6. मैखुनाव फलिक एसिड आरो आयरनखौ गोबां बिबाडे मोन्नाय जायो आरो बेखौ जायोब्ला नोंथानि मोदोमाव हीमग्लबिननि थाखोखौ बारायहोनायाव मदत खालामनो हागौ। (नट: जायखि-जाया राहाखौ नाजावनानै लानायनि सिगां डाक्टरनि बोसोन ला)

आयुष-64 मुलिआ करना बेराम फाहामथाय होनायाव गोखों मदत खालामदों

गोदान दिल्ली, 30 नभेम्बर : करना बेरामनि सायाव आयुर्वेदिक मुलि आयुष-64 नि मोजां फिथायखौ नुनो मोन्नाय जादों। जधपुर एस्सयाव क्लीनिकेल ट्यूबल खालामनायाव सा 30 बेरामफोरनो फुं बेलासि आयुष-64 केप्सुलखौ होनाय जादों। जायजों 70 जौखेन्दो मुलि होनायनि 5 थि सानावनो आरटि पिसिआरनि नायबिजिरनायाव नेगेटिव मोन्नाय जादों। आयुष-64 आ मेलेरिया बेरामयाव होरा मुलि, जायखौ एन्टिभाइरल मुडैबो मोनथिनो मोन्नाय जायो। हादतयाव करनानि एक्टिव बेरामिया 4.5 लाखनिफ्राय खमसिन जाबाय। थांनय रबिबाराव 6579 एक्टिव केसआ खम जादों।

करना बेरामनि सायाव आयुर्वेदिक मुलि आयुष-64 नि मोजां फिथायखौ नुनो मोन्नाय जादों। जधपुर एस्सयाव क्लीनिकेल ट्यूबल खालामनायाव सा 30 बेरामफोरनो फुं बेलासि आयुष-64 केप्सुलखौ होनाय जादों। जायजों 70 जौखेन्दो मुलि होनायनि 5 थि सानावनो आरटि पिसिआरनि नायबिजिरनायाव नेगेटिव मोन्नाय जादों। आयुष-64 आ मेलेरिया बेरामयाव होरा मुलि, जायखौ एन्टिभाइरल मुडैबो मोनथिनो मोन्नाय जायो। हादतयाव करनानि एक्टिव बेरामिया 4.5 लाखनिफ्राय खमसिन जाबाय। थांनय रबिबाराव 6579 एक्टिव केसआ खम जादों।

नाइजेरियाआव जेहादिफोरा सा 110 निखावरि आबादारिफोरखौ हाथारदों

गोदान दिल्ली, 30 नभेम्बर : इउएनआ दाबि दैखानाय बायदिब्ला, बक हारामनि जेहादि उतखारिफोरा सा-सान्जा नाइजेरियाआव सा 110 सुबुंफोरनि जिउ फोजोबप्राडो। अदेबानि इउएननि हिउमेनिटेरीयान क-अर्डिनेटरआ बुनाय बायदिब्ला, बक हारामनि उतखारिफोरा नाइजेरियाआव गोबां दाय गैथे नोगोरारिफोरखौ बुथारदों। बे जाथाया गाहाय सहर मैदुगुरीनि खाथियाव थानाय दरसे गामि कशबेआव जादों। उतखारिफोरा गामिनि आबादारिफोरखौ लाबोनानै बुथारो। बे गिखंधाव आरो दुखुनांथाव जाथाया थानाय शनिबार (28 नभेम्बर) खालि आदोंमोन। मिडिया रिपोर्टनि बायदिब्ला, बे गाग्लोबनायाव सिगाडाव लेबारफोरखौ खायो आरो उनाव बिसोरनि गोदोनखौ हास'थे। इउएननि एडवर्ड कल्लनआ बेनि सोमोन्दे बिबुंथि फोसावनानै बुजेदि, बे



जाथायाव सा 110 सुबुंफोरखौ जोबोद खाप्पि-बिप्पियै बुथारो आरो माखासे गोबाबयै जोखोमबो जादों। मख'नो गोनांदि, नाइजेरियानि हादतगिरि महम्मद बुहारीआ बे जाथायखौ सौंखारिदों। बिथाडा बुंदों, आं उतखारिफोरनि बर्न राइज्योयाव खस्ट खालामनानै जाग्रा आबादारिफोर बुथारनायखौ सौंखारियो। बे बुथारनायखौ लानानै गासै हादतआनो दुखु

मोन्याय फोरमायदों बिथाडा बुथारजाग्राफोरनि आत्माया गोजोन मोन्थों होन्नानै आर'ज गाबदों। सुलुडव फोरमायनाय बाइदिब्ला, हादतआव जेहादिफोरा। बे गाग्लोबनायखौ बै समाव खालामदोंमोन, जेब्ला गामियारि भटार्सफोरा गोलाव समसिम बर्न राइज्योआव जायगानि बिसायख'थियाव भट होदोंमोन। जायगानि मिडियायनि बाइदिब्ला,

थैनायफोरा सा-सोनाब नाइजेरियाआव थानाय सकत राइज्योनि लेबारमोन, बिसोरो गासै 1,000 कि:मि: गोजानाव खामानि नागिरनानै फेदोंमोन। बे गाग्लोबनायाव सा 6 सुबुंफोरा जोखोम जायो आरो सा 8 आ दासिमबो गोमानानै दड, जायफोरखो जेहादिफोरा लांखारो। आथिखालाव जाथाइ जानाय जायगायाव नागिरनाय हाबाआ सोलिगासिनो दड।

हादतगिरि बिसायख'थिआव गेना खास्थिनि दाय जाबसिन्नायाव ट्राम्पआ ब्राजिलनि मदत मोन्दों

रिय डि जेनेरिय, 30 नभेम्बर : ब्राजिलनि हादतगिरि जैर बलसनार आ आमेरिकानि हादतगिरि बिसायख'थिखौ लानानै डनाल्ड ट्राम्पखौ हेफाजाव खालामदों।



बलसनारआ बुंदों, बिसायख'थियाव गेनाखास्थि जादों। बेनि थाखायनो ज' बाइडे ननि देराहनायखौ गनायथि होनो हाया। जैर बलसनारनि बे बिबुंथियानो रोखा खालामदों ब्राजिलआदि आमेरिकानि हादतगिरि बिसायख'थियाव गेना खास्थि सोमजिनायनि दाय जाबसिन्नायनि गिबि हादत जादों। बलसनारआ ब्राजिलनि इलेक्ट्रिक भटिं नेमखास्थिनि सायावबो सौंथि देखादों। बियो बुंदों, बेजों बिसायख'थियाव गेना खास्थि जानायनि सन्देह खालामनाया बांदों। बियो 2022 याव जानो गोनां हादतगिरि बिसायख'थियाव इलेक्ट्रिक भटिंनि अनगायै भट

लाइनि गेजेरजों नेमखास्थि बादिये बिसायख'थि खालामनायनि सायाव गोनांथि होदों। बलसनारआ दासिमबो ज' बाइडेननो बिसायख'थि देराहनायनि गाहाम हामब्लायथि बाउहराखे। बियो बुंदों, गाव आमेरिकानि

बिसायख'थियाव ज' बाइडे नखौ देराहनायनि गनायथि होनायनि सिगां एसे नेनानै थागोन। बयहाबो फुंखा दं, जाय आमेरिका बिसायख'थियाव गेना खास्थि जानायखौ फोरमायो। मख'नो गोनांदि, डनाल्ड ट्राम्पआ

बिसायख'थिनि फिथायखौ फोसावनायनि उन्निक्रायबो गेनाखास्थि जानायनि अजद लाबोदोंमोन। बिथाडा बे आयदानि सायाव बिजिरसालियावबो अजद होदोंमोन। नाथाय जाफुंसारनो हायाखे।

गावनि फिसिनाय सैमाजों गेलेनानै ज' बाइडेननि आथिडा बायदों

गोदान दिल्ली, 30 नभेम्बर : आमेरिकानि हादतगिरि महरे सायख'जानाय ज' बाइडेननि आथिडा फ्रेक्सार जादों आरो बिथाडा मोनसे मेडिकेल बुट गानानो हासिगो। बिथानि हान्जाआ बुनाय बाइदिब्ला, थानाय रबिबारखालि 78 ब सेसोर बैसोनि बाइडे नखौ डाक्टरनाव लानाय जायो। मानोना बिथाडा गावनि सैमाजों लोगोसे गेलेनानै गालिन्दोंमोन। बिबानगिरिफोरनि बाइदिब्ला, बाइडेननि आग्दनि आथिडा बायो। बे जाथाइनि उनाव आमेरिकानि हादतगिरि डनाल्ड ट्राम्पआ बाइडेनखौ थाबैनो गाहाम जानायनि गसाइनावआर'ज गाबो। मख'नो गोनांदि, फेगौ 20 जानुवारीआव बाइडे नखौ जुथाय हादत आमेरिकानि 46 थि हादतगिरि महरे समायखिरा



लाहोसिगोन। 78 बोसोर बैसोयाव आमेरिकानि हादतगिरि महरे समायखिरा लानाय बाइडे नआनो बयनिखुइबो बैसो गोरसिन हादतगिरि जासिगोन। बिथानाव मानै जार्मन शेफर्ड सैमाबो दडआरो बिसोरनि मुड मेजर चेम्प।

उनाव सिटि स्केनआव बाइडेननि आग्द आथिनि बायनायखौ मिबथिनो मोनो। बेनि उनाव बाइडेनआ माखासे सप्ताहसिम गुबुनि हेफाजाव लानानैसो थाबाय नांसिगोन होन्नानै डाक्टरआ बुंबावदों। जर्ज वासिंटेन मुलुग सोलोलोसालियाव मेडिसिननि एससिएट प्रफेसार डा: केबिन, डा: कर्नरआ थानाय 2019 नि डिसेम्बराव बाइडेननि जेबथा दैयानि रिपर्ट खौ खालामदोंमोन। बेनि उनाव थानाय 2018 आव बिथाडा नैथि सैमा मेजरखौ खांदोंमोन। बिथानि डाक्टर केबिन अ कर्नरआ बुजेदि, बिथानि आथिडा बुखानानै दड, बेनि जाहोनावनो एक्स-रेआव जेबो हमनो हायाखे। नाथाय

मख'नो गोनांदि, ज' बाइडे नआ थानाय 2008 माइथायनि बिसायख'थिनि उनाव गिबि सैमा चेम्पखौ न'याव लाबोदोंमोन। बेनि उनाव थानाय 2018 आव बिथाडा नैथि सैमा मेजरखौ खांदोंमोन। बिथानि डाक्टर केबिन अ कर्नरआ बुजेदि, बिथानि आथिडा बुखानानै दड, बेनि जाहोनावनो एक्स-रेआव जेबो हमनो हायाखे। नाथाय

सान्जा इन्ड 'नेसियानि दीपआव अरगें हाजो बेरफुदों



जाकार्ता, 30 नभेम्बर : सान्जा इन्ड 'नेसियाआव अरगें हाजो बेरफुनायनि उनाव गासै सा 2,800 सुबुंफोरखौ दिहुन्नानै रैखाथि गोनां जायगाफोराव दोनहेनाय जाबाय। अरगें बेरफुनायनि उनाव अरधि हाथ फेलानि उखुदेया अख्रडव 4000 मिटार जौसिम गोसारहेयो। बे जाथायनि खाथि-खालानि दर 20 निखुइ बांसिन गामिफोरनिफ्राय गासै सा 2,800 सुबुंफोरखौ दिहुन्नानै रैखाथि गोनां जायगायाव दोनहेनाय जायो आरो बेयाव दासिमबो सुबुंफोरखौ बोखानाय हेफाजाव होनाय हाबाया सोलिगासिनो दड। डिजास्टार मिटिगेसन एजेन्सिनि बुंथिगिरि रेडिटि जातिआ फोरमायनाय बायदिब्ला, सान्जा नुसा तेंगारा ओन्सोलनि लेम्बाटा द्वीपआव थानाय माउन्ट इली लेवहरकनि खाथियाव थानाय दर 28 गामिफोरनि गासै सा 2,800 सुबुंफोरखौ दिहुन्नाय जाबाय। दासिमाव बेरफुनायनि जाहोनाजों जौबो सासेबो थैनाय एबा जोखोम जानायनि जेबो खौरं मोनाय जायाखे। बेनि गेजेरजों हान्था-मेला बिफानआ बुजेदि, अरगें बेरफुनायनि उनाव उरां जाहाजफोरखौ लानानै सांग्राथि फोसावदोंमोन आरो द्वीपनि गंसे उरां जाहाज गाथोनखौबो बन्द खालामो।

जापानी राजाया फिसाजोखौ बयफ्रेन्डजों जुलि लानो गनायथि होबाय


टकिय', 30 नभेम्बर: जापाननि क्राउन प्रिन्स फुमिहितआ गावनि फिसाजो माक'खौ गावनि बयफ्रेन्ड केइ कुरजों जुलि लानो गनायथि होबाय। सानैनिबो जुलिया गोबाव समनिफ्रायनो थाबथाना थदोंमोन। प्रिन्सेस माकआ 2018 आव गावनि इडनिभासिटि फ्रेन्ड मकुरजों जुलि लानो नागिरदोंमोन। माकआ 2017 आव बिजों आस्थाम सोनो बाथा फोसावदोंमोन। कमुरआ रयेल फेमिलीनि बायजोन जानाय आरो बिनि बिमानि रंखास्थि जेंनाया जुलि जानायव गोबाव जानायनि जाहोन फोरमायदोंमोन। नाथाय उनाव राजानि नख'थ बेबादि बाथाखौ नेवसिगारदोंमोन। गुबुन फारसेथिजाय क्यड निउजनि



खौरनि बादिब्ला नरेश नरुहितनि फंबाय क्राउन प्रिन्स फुमिहितआ जुलिनि सिगां रंखास्थिनि जेंनाखौ सुस्त्रानो बाथा बुंदोंमोन। जाहाथे सुबुंफोरा बे जुलिखौ गनायना लायो। प्रिन्सिआ माकनि बयफ्रेन्ड कमुरआ थानाय बोसोराव गावनि नखरआव जायथि जाया रोखोमनि रंखास्थि जेंना सोमजिनायखौ नेवसिगारदोंमोन। बियो

फैगौ 21 डिसेम्बराव सान मन्डलाव आगोमा जाथाय नुजागोन

नैनिताल, 30 नभेम्बर : सान मन्डलनि बयनिखुइबो देरसिन ग्रह गुरु एबा बृहस्पति आरो शनिया 397 बोसोरनि उनाव गावजों-गाव 'स्पर्श' खालामलायगोन। बे जाथाया 21 डिसेम्बराव जागोन। बेबादि जाथाय जानायाव मोनैनिबो जानथाया 0.06 डिग्रीआव थागोन। लोगोसेनो बे मोनैनिफ्रायबो अखाफोरखौ 1 डिग्रीनि फारगथियाव नुनो खाबु मोनगोन। बिगियानगिरिनि बादिब्ला शनि आरो गुरु मोनैबो ग्रहफोरखौ बे सानयाव मेगनजों नुनो मोनगोन। गुरु आरो शनिया गाव-गावनि कश् हांखोखौ गिदिखन्नायाव गावजों-गाव खाथि जालायगोन। अखाफोरजों समान जोंखोल' गावनि बेंखन्थायाव थानाय शनि ग्रहजों लोगोसे बेनि सेटेलाइट टाइटेन आरो रेयाखौबो नुनो मोनगोन। गुरुनि मोनब्रे अखाफोर एबा फिसा ग्रहफोर गायनामिड, के लेस्ट, आइअ आरो इउर'पाखौबो बेबादिनो नुनो मोनगोन। बे जाथायाव मोनैबो ग्रहजों लोगोसे बेनि फिसा



ग्रहफोरनि गेजेरनि जानथायावो 1 डिग्रीनि फारगथियाव थागोन। बृहस्पतियाव अखाफोर आइखौ थाखोमाना थानाय बादि नुनो मोनगोन। बे जाथायखौ दुरबिननि मदतजोंबो

नायनो हागोन। थानाय 1623 याव शनि आरो गुरुनि बेबादि जाथाय जानायखौ नुनो मोनाय जादोंमोन। बे आगोमा जाथायखौ बिगियानगिरिफोरा ग्रेट कन्जक्सन मुं होदों।

जापानआव कनानिखुइबो बांसिन जादों फासि नांनाया

टकिय', 30 नभेम्बर: मुलुगनाइ आरोबाव खनसे करना भाइरासनि इनफे क्शनजों भुगिनादों। फारसेथि जापानआ थि समव गोखों लामा लानायनि जाहोनाव दासिमबो इनफेक्शननिफ्राय रैखाथि मोन्दों। नाथाय बिसरो आथिखालआव गावजों गाव जेंनाजों भुगिनादों। बेवहाय सुबुंफोरा करनानि अनगायै सुइसाइडजों बांसिन थैदों। जापाननि एनपिए (National Police Agency) नि फारसे फोसावनाय अन्जिमानि बायदिब्ला बेवहाय अक्टबरआव जेसेबां सुबुंफोर करनानै थैदों, बेनिफ्राय बांसिन सुबुंफोरा सुइसाइड जानानै थैदों। जापानआव अक्टबरआव 2153 सुबुंफोरा गाव गावनि जिउनि सायाव दुखु मोनानै थैदों। फारसेथि जापानआव करना भाइरासजों दासिमाव 2087 सुबुंफोर थैबाय। थैनायनि बे बांनाय अन्जिमाखौ करना भाइरासनि जाहोनाव सुबुंफोरनि गेजेरव दुखु मोनायखौ गिदिर जाहोन होना फोरमायनाय जादों। सुबुंफोरा करना भाइरासनि इनफेक्शनजों गाव गावखौ रैखाथि होनो हादों

नाथाय कडडाउन इफेक्टनि जाहोनाव बिसरो गोसोयारि बेरमनि मैडुर जानायनिफ्राय गाव गावखौनो रैखाथि होनो हायाखे। जापान सरकारा करनखौ होवथानो थाखाय दासिमाव नै खेव लकडाउन होखांबाय।

गोसोनि बिगियानगिरिफोरनि बायदिब्ला भारत, इटाली, पाकिस्तान, अस्ट्रेलिया बायदि हादतफोरनि रजुनायाव जापानआव लागायनाय लकडाउनआ एसेबां गोखों नडमोन।

आबहावा गुबुंले जानायजों थैनांनायनि कर्टयाव केस थिसनसिगोन

लन्डन, 30 नभेम्बर : आबहावा गुबुंले जानायजों ख'हा जानायनि सायाव सम सम सावरायनाय जाबाय थायो। नाथाय ब्रिटेइनि हाइकर्टआ आबहावा गुबुंले जानायजों थैनांयनि हेंथायै केस होनो थियारि जादों। ब्रिटेइनि हाइकर्टआ 30 नभेम्बरनिफ्राय बे केसनि हेयारिखौ होदों। मख'नो गोनांदि, 2013 याव 9 बोसोर एल्ला कीसी देवराहआ लन्डनआव आस्थमा एटाक जानानै हां लानो हायैनि जाहोनाव थैदोंमोन। बेनि थाखाय आबहावा गुबुंले जानायखौ दाय होनाय जादों। बेनि जाहोनाव जादों देनोराहनि न'खाथि-खालायाव 3 बोसोरसिम आबहावा गुबुंले जानाया लन्डननि थि सिमना



खाखानानै होनाय मानदानानिखुइ बांसिन जादोंमोन। देवराहनि बिमारज मान्ड एल्लाआ बिजिरसालियाव बेनि सोमोन्दे अजदलाइ थिसन्दोंमोन। बियो आबहावा गुबुंले जानायजों थैनायनि बाथाखौ फोरमायनाय

खालामनायाव फेलें जादों, बे बाथायनि सायाव बिजिरसालियाव होन्नानै बुंदों कर्टआ। मख'नो गोनांदि एल्ला कीसी देवराहआ थैनायनि सिगां 27 खेब देहाफाहामसालियाव थानांदोंमोन। बिथाडा हां लानायाव जेंना सोमजिदोंमोन। बेनि थाखाय कर्टआ एल्लाआ बेराम जानाय समाव आबहावा गुबुंले जानायखौ मोजां रोखोमै सुदों ना सुयाखे बे बाथाखौबो नोजोर होनांगो। जुदि हाइकर्टआ आबहावा गुबुंले जानायजों थैनायखौ गनायना लायोब्ला सरकारा बेनि सोमोन्दे गोथौथै सान्नांनै बिजिरनांगो।

दुति चान्द, इरफानजों लोगोसे सा 8 एटलिटफोरखौ टप्स कर गुपआव थिसनबाय



गोदान दिल्ली, 30 नभेम्बर: हादतनि मिथिसार जानाय गेलेगिरि दुति चान्द आरो केटि इरफानजों लोगोसे हादतनि सा 8 एटलिटफोरखौ टारगेट अलिम्पिक पडियाम स्किम सुंदरै टप्सनि कर गुपआव थिसनबाय जायो। स्पर्टस अथरिटी अफ इन्डिया सुंदरै साइआ रबिबाराखालि बे गोनां बाश्चरखौ मिथिहोदों। साइनि सासे बिबानगिरि सुलुडा मिथिहोनाय बायदिक्ला मिसन

प्रिमियार लीगनि मेचखौ मन्सेस्टार सिटिआ 5-0 गलाव बार्नले क्लाबनि हेंथायै देरहादों

लन्डन, 30 नभेम्बर: इलेन्डनि क्लाब थारखोनि गिदिर फुटबल बादायलायनाय प्रिमियार लीगआ सोलिगासिनो दडा क्लाबनि गुबुन गुबुन मेच गेलेनाया दासान्दि फरियै सोलिबाय थानानै थानाय हरनि समाव गेलेनाय गुबुन मोनसे गोनां मेचखौ मन्सेस्टार सिटि क्लाबआ गोवां गलनि फारागथियाव देरहानो हायो। गेलेगिरि रियात महेरसनि गोखों गेलेनाय हेट्रिक गल होनो हानायजों सिटि क्लाबआ बं मेचखौ 5-0 गलाव बार्नले क्लाबखौ गोसलैयैनो फेजेनो हायो। बि बि सिनि बायदिक्ला थानाय हरनि समाव एटिहाट स्टेडियमआव गेलेनाय बे मेचआव गेलेगिरि रियात महेरसआ 6,22,69 मिनिटआव मोन्थाम गलखौ होनो हायो। बेनि अनगायैबो सिटि



क्लाबनि गेलेगिरि मेन्डिआ 41 मिनिट आरो तरेसआ 66 मिनिटआव गलखौ होनो हानानै हान्जाखौ देरहाहोयो। एटिहाट स्टेडियमआव मन्सेस्टार सिटि क्लाबआ बार्नले क्लाबनि हेंथायै 4 थि खेब देरहानो हादों। बे स्टेडियमआव सिटिआ थानाय मोन 6 मेच गेलेनायाव बर्नले क्लाबनि हेंथायै मोन 27 गलखौ होनो हादों। फारसेथि अलजेरिया हादतनि केप्टेन रियात महेरसआ प्रिमियार लीगआव सिटि क्लाबनि जानानै मोन 59 गलखौ होनो हानायवा जाफुंसारदों। थानाय मेचआव हेट्रिक गलखौ होनो हानानै गेलेगिरि महेरसआ जोबोद गोजोन्याय फोरमायो।

गोहो गोर बक्सार माइक टाइसनआ बक्सनि रिंगयाव फैफिनबाय गेलेनाय मेचखौ टाइसनआ रय जन्सनि हेंथायै डू गेलेदों

लन्डन, 30 नभेम्बर: आमेरिका हादतनि गोहोगोर बक्सार आरो बारा' वर्ल्ड हेथि वेइट सेम्पियन माइक टाइसनआ थानाय 15 बोसोरनि उनाव गावनि थानि बायदियै बादायनायखौ बक्सनि रिंगआव लाबोफिन्दों। मख 'नो गोनांदि, गोलाव बोसोरनि उनाव दिने गेलेनाय मोनसे मेचखौ बक्सार रय जन्स जुनियरनि हेंथायै डू गेलेयो। 151 बोसोर बेसोनि गेलेगिरि जन्सनि हेंथायै टाइसनआ मेचनि 8 थि राउन्डनि जोबथा गेलेनायाव डू जायो। कभिड-19 नि गिथावनयै गोसाराय थारसरनि गेजेरजोंबो स्टेपोल सेट्यव बिसोर सानैनि इक्सिभिसन मेचखौ गेलेयो। मेचखौ गेलेखानायनि उनाव 54 बोसोर बेसोनि माइक टाइसनआ जन्सनि हेंथायै गेलेनाय मेचखौ डू थानायवा गोजोन्याय फोरमायो। टाइसनआ बुंवावोदि, जों सानैनि गेजेरव गेलेनायनि अनगायैबो सुबुं सिबिथयनि फरसे थुलुंगा होदों आरो गेलेनायाव सुबुंफोरनि हेफाजाब मोन्यायखौ गोजोन्याय फोरमायो। टाइसनआ मोनसे गेलेमु खौरं बिजों बि बि सिनि गेजेरजों बुंनाय बायदिक्ला ऑं आनि गेलेनायखौ फैगौ



समावबो सोलिहोलांबाय थगोन। गुबुन फारसेथि माखासे बिबानगिरियाबो बिसोर सानैनि गेलेनायखौ एबा बादायनायखौ खाथि नोजोरवोनो नुनो मोनानै जोबोद गोजोन्याय फोरमायोदों। रयखोंजाथावदि, आमेरिका हादतनि गोहो गोर बक्सार माइक टाइसनआ जेब्ला 20 बोसोरव आगान होदोंमोन बे समावोनो 1986 माइथयनि बक्सि सेम्पियनसिफयव बक्सर ट्विबर बारभिक्सखौ फेजेनानै गेलेनाय बयनिखुइबो लाइमोन गेलेगिरि हेथिवेइट सेम्पियन जानो हादोंमोन।

भारतयारि अलिम्पिक गेलेगिरिफोरनि थाखाय मोजां खौरं

अलिम्पिकआव बाहागो लागोन हादतनि गेलेगिरिफोरखौ भेक्सिन होनायाव सिगांगो नोजोर होगोन: रिजिजु

गोदान दिल्ली, 30 नभेम्बर: अलिम्पिक गेम्सआव बाहागो लागोन हादतनि गेलेगिरिफोरनि थाखाय मोजां खौरं। मिरु सरकारनि गेलेमु बिफाननि मन्थि किरेन रिजिजुआ रबिबाराखालि मिथिहोनाय बायदिक्ला फैगौ टकिय अलिम्पिक गेम्सआव बाहागो लानो थियारि जानाय हादतनि साफ्रोमबो गेलेगिरि आरो स्टाफफोरखौ करना भेक्सिन होनायनि फारसे सिगांगो नोजोर होगोन। मन्थिआ बुडेदि, भारत हादतनिफ्राय फैगौ बोसोरनि जुलाइ दानाव खुंजानो गोनां अलिम्पिक गेम्सआव मोनसे गिदिर अलिम्पिड हान्जाखौ देथायहरसोन। मख 'नो गोनांदि, कभिड-19 नि जाहोनाव

बोसोरसेनि थाखाय दोन्थ 'जानाय अलिम्पिक गेम्सखौ फैगौ बोसोरनि जुलाइ दाननिफ्राय आगस्तसिम जापाननि रजथावनि टकिय सहराव खुंनाय जागोन। बे अलिम्पिक गेम्सआवबो भारतनि क्वालिपाइट जानाय गेलेगिरिफोर दसान्दि गाव-गावनि गेलेनायखौ गोखों खालामनो थानिखों थियारि जानानै दं। अदेबानि बे कभिडनि थासारियाव गेलेगिरिफोरखौ खेफोदनिफ्राय रेखाथि होनायनि थानिखि लाना कभिड भेक्सिनखौ होनायनि सायाव मिरुनि गेलेमु मन्थिआ गोनां बाश्चरखौ मिथिहोयो। दिल्लीयाव खुंनाय दिल्ली हाफ माराथननि हबाफरिखौ बेखेवना होनानै मन्थि रिजिजुआ बुडेदि, हादतआव



थाबैनो अलिम्पिक गेम्सनि थाखाय गेलेगिरिफोरखौ लानानै क्वालिफिकेसन बादायलायनाया जागायजेगोन। बे थासारियाव गेलेगिरिफोरखौ सांग्राडे कभिडनि प्रटकल आरो रेखाथिनि नेमखाथिखौ गोनांथारे फालिनो थाखायबो फोसावनाय जायो। भारत सरकार अलिम्पिकआव

बाहागो लागोन हादतनि साफ्रोमबो गेलेगिरिफोरखौनो हेफाजाब होगोन होनानै बाश्चर होयो। दिल्ली सरकार आरो देहा बिफाननि हेफाजाबाव दिल्ली हाफ माराथनखौ खुंनाय हाबाफरियाव गोबां बादायारि आरो सुबुंफोरारो बाहागो लादोंमोन।

बडाइगावनि टाइगर क्लाबआ कक्राझारनि गिलागुरि आजाद क्लाबखौ फेजेनानै सेम्पियन जाबाय

कक्राझार, 30 नभेम्बर: कक्राझार जिल्लानि सिडाव थानाय सालाकाटिनि माइसा एम इ स्कुलनि गेलेग्रा फोथारव रबिबाराखालि गेलेनाय हा-तु-दु स्पर्टस टुर्नामेन्टनि फाइनाल मेचखौ बडाइगावनि टाइगर क्लाब आरो कक्राझारनि गिलागुरि आजाद क्लाबनि गेजेरव गेलेयो। एरैहाय बि टि सि बिसायख 'थिनि दुहाव बारा सोलिबाय थानाय ओन्सोलनि



गेजेरव फाइनाल गेलेनायजों टुर्नामेन्टआ जोबलांबाय। बे गेलेनाय फाइनाल मेचआव बडाइगावनि टाइगर क्लाबआ गोखोंसिन गेलेनो हानायजों गिबि हाफ टाइमआव 3-1 सेटनि फारागथियाव आवगयानो हादोंमोन। बेनि उनाव नैथि हाफ टाइमआव मोनैबो हान्जाया मोनसे मोनसे सेटखौ लानो हाबावनायजों जोबथायाव बडाइगावनि टाइगर क्लाबआ देरहानो हायो। टुर्नामेन्टआव देरहासर जानो हानाय हान्जानो गंसे टूफीजों लोगोसे गंसे

पालसार बाइकनि बान्थाखौ गथायनानै होयो। फारसेथि फाइनालाव गेजेन जानाय क्लाबनो गंसे टूफीजों लोगोसे गंसे हिर' हन्डा ग्लेमर बाइकखौ होनाय जायो। फाइनाल गेलेनायनि बान्था रन्नाय समाव बि टि सिनि बारा' मावफुं सोद्रोमा एबा सालाकाटि बियाबनि बि पि एफ दोलोनि बिजाथि देरहासाद बसुमतारि, आर एम सिनि सेक्रेटारि आइनाल हकआ आलासि महेरै बाहागो लानानै बान्थाखौ गथायनानै होयो।

सर्बानन्द सनवाल



गिबि मन्थि, आसाम गुवाहाटी

मुलुगनां एइडस सान 2020

मुलुगनां एइडस साननि लोब्यायै गाहाम हामलायथि बिलाइ

बोसोरफोमबो 1 डिसेम्बरनि सानआव मुलुगनां एइडस सान हिसाबै दुलाराय मुलुगआवबो फालिनाय जायो। जॉनि राइज्योआवबो आसामनि राइज्योयारि एइडस होबथा आफादनि बान्जायनायाव गुबुन गुबुन हाबाफरिजों बे सानखौ फालिनो लानाय जादों। एइडस बादि गिथावना बेरमनि हेंथायै फोजोबक्सानो थाखाय सांग्रां जानो दुलाराय सुबुंफोरखौ खौसे खालामनानाया जादों बे सान फालिनायनि गाहाय थानि।

बे बोसोरनि मुलुगनां एइडस साननि गाहाय आयदया जादों "Global Solidarity Shared Responsibility" एबा एइडसनि हेंथायै मुलुगनि सुबुंफोरखौ खौसेथि खालामनानै बिबानजों लोगोसे बाहागो लानाय।

2020 माइथया कभिडनि गोसाराय थासारिनि थाखाय मोनसे जेनांगोन बोसोर हिसाबै मिबथिजादों। बेनि गेजेरवो एइस.आइ.भि.नि सांग्राथिखौ बांनोनाय आरो गुबुन गुबुन हाबाफरिफोरखौ फरियै सोलिहोबाय थानाय जादों।

माहारियारि एइस.आइ.भि. सन्देरनायनि हारआ 0.22 जौखोन्दोनि अनगायैबो आसामनि बैसो थाखोनि लानानै एइस.आइ.भि.नि सन्देरनाय हारआ 0.09 जौखोन्दोल' जादों। आसामखौ एइस.आइ.भि. सन्देरनाय राइज्यो हिसाबै गनायथि होदोंबलाबो सा-सान्जानि दरख महेरै जानायनि थाखाय आसामाव गोदान सन्देरनायनि हारआ जाथावनानि जोबोद खम।

इ.उ.ए.एइडस.(UNAIDS) नि दासान्दि बिजिरनायाव मुलुगनाडैनो 2019 बोसोरव 38.0 निजुत एइस.आइ.भि. सन्देरनाय सुबुंफोर दड। खमैबो 1.7 निजुत सुबुंफोर 2019 माइथयाव गोदानै एइस.आइ.भि.आव नाखेबजादों। माहारियारि एइडस होबथा आफाद (NACO) आ दासान्दि फोसाम बादिदियै भारतआव 23.49 लाख सुबुंफोर एइस.आइ.भि.जों नाखेबजादों। बेनि गेजेरव आसामनि सुबुं अन्जमाया जादों 21,220।

एइस.आइ.भि. सन्देरनाय आरो गोसारायखौ होबथानायनि मोनसेल' थाखिया जों साफ्रोमबो बेनि हेंथायै गोखों सांग्रां जानांगोन। लोगोसे एइस.आइ.भि.आव भुगिनांनय सुबुंज जाहाथे थोजासे फाहामथाय, समाजआव मान-सन्मानखौ मोनो हायो बेनि थाखाय साफ्रोमबो बे बिथिडव आबुं हेफाजाब होनांगोन।

बे खाबुआवबो एइस.आइ.भि. उदों आरो होबथानाय हाबाफरिआव लोब्बा थानाय साफ्रोमबो सुबुंनिसिम ऑं साबायख 'र बाउहरखाय।

दुलाराय आसामनि थागिबिफोरनिसिम जॉनि गुरैयै खावलायनाय-फै जों गासैबो गोरोबनानै एइसआइभि होबथानायनि थाखाय बिबान लानानै गसंथानि। समाजनिफ्राय जों बेबादि गिथावना बेरमखौ जानगारहोनायनि थाखाय दिदैनै बे गोजोन सानआव साफ्रोमबो बिबान लानानै फै।

(सर्बानन्द सनवाल)



आसाम राइज्योयारि एइडस होबथा आफाद, खानापारा, गुवाहाटी-22

